

Revelasyon Jezikri

60-1204M

Branham Tabènak, Jeffersonville, Indiana, Etazini

- 1 Mèsi anpil, Frè Neville. Nou mèt chita.
- 2 Mwen kwè sa te di yon fwa, ke, "Mwen te kontan kan yo te di m, 'Ann al kay Seyè a.'"
- 3 Bon, nou dezolè poutèt nou pa gen espas, osinon plas pou chita, paske tout sa yo ki prezan, epi petèt sa yo ki va ogmante diran semèn k ap vini an, moun k ap vini yo, ki te tandem pale de reyinyon an.
- 4 Men rezon pou moman espesyal sa se te ke nou t ap...Sentespri a te plase sou kè m avètisman sa avèk konviksyon ke, "Legliz nan tan sa a ta dwe gen Mesaj sa a." Paske mwen kwè ke se Mesaj ki pi ekstraòdinè nan Bib la, paske sa revele Kris nan Legliz Li nan moman sa a.
- 5 Konsa, pèsonn paka gen lafwa oswa konnen sa y ap fè, oswa kote yo prale, sof si yo gen yon, yon bagay kòm baz pou mete panse yo ak fwa yo. Kidonk, si Lekriti te revele Kris pou nou nan dènye jou sa yo, ak kondisyon tan an, sa t ap fè nou di byen pou-pou fouye L epi jwenn ki kote nou ye.
- 6 Kounye a, nou-nou dezole ke legliz nou an pa pi gwo, yon jou nou espere gen sa.
- 7 E kat dènye jou sa yo, espesyalman, pandan m t ap etidye pou sijè sa sou pati istorik Liv–Liv Apokalips la, mwen te pase atravè dè bagay ke m pat janm panse ki te janm vrèman rive. E sa te menm ban mwen yon-yon santiman ke, apre seri Sèt Aj Legliz sa a, m te pase atravè sa, m ta renmen gen yon lòt seri konsa pou ap dekri "veritab–veritab Legliz ak fo legliz la," ansanm, ak sèlman listwa e Lekriti. Tankou jan m te eseye fè posib mwen, sou yon mesaj, pou m te pran "vrè Viy lan ak fo viy lan," ke w jwenn nan Bib la. E nou se...
- 8 Nou pral eseye jwenn kèk chèz, pandan m ap panse a moun yo k ap eseye chita. E nou pral gen, eseye gen, kèk chèz an plis, pou eseye konble espas dèyè a la, ak deyò a, e kèk an plis toutotou, pou nou ka met kèk moun an plis chita diran sèvis yo.
- 9 Kounye a, sou sijè sa a, m ap mande nou chak ki vrèman pran bagay sa yo an konsiderasyon, pou ta-pou ta vini chak fwa nou pral-pral eksplike L. E mwen pap lanse m, oswa m patap pran yon chans mwenmenm... [Espas vid sou bann lan,—Editè a.] ...lanse m pou... [Espas vid sou bann lan,—Editè a.] gran Liv Revelasyon sa a sou...[Espas vid sou bann lan,—Editè a.]...Sèt Aj Legliz. Men m depann konplètman de Bondye, pou-pou revele I pou mwen jis jan m ap abòde I la.
- 10 Istwa natirèl la, ki soti nan...ki vin de istoryen ki pi ekstraòdinè ke nou konnen. Mwen gen sou biwo m, kounye a menm, apeprè senk ou sis kòmantatè, De Babilòn Hislop yo, Liv pa Foxe sou Matirize yo, ak lòt

gwo liv; tankou Konsil Pre-Niseyen, apeprè kat liv sou sa, ki gen katsan paj konsa pou chak liv. Epi la Konsil Nise a, ak tout istwa ke nou jwenn. Paske, dèyè sa a, apati de bann mayetik la, nou pral ekri yon kòmantè sou Sèt Aj Legliz yo, pou voye nan lemond antye, kote nou kapab, paske nou lan dènye jou yo. Nou nan tan lafen.

11 Sa pat janm monte sou kè m otan jiska–jiska dènye eleksyon an, e alò m te wè kote nou ye. Apresa Sentespri a te kòmanse revele m, pou–pou avèti pèp la, epi plase bagay sa a. Mwen paka fè l nan yon–yon legliz tankou sa a, de fason pou w satisfè. Epitou si m pran tan pou jis ekri liv la...mwen santi ke si m t al sou chè a, e ke enspirasyon Sentespri pami Kretyen yo ta vin sou mwen, pou ede m, alò mwen t ap plis an mezi pou ekri liv la lè sa, apre m tap ekstrè li soti de bann lan, paske la nou t ap gen enspirasyon an. Liv yo, natirèlman, pral on jan ranfòse on tikras, paske, la, nou enjekte dè bagay ke nou paka mete nan liv la. E alò nou...Epi nou pran twòp tan ap repeète tèt nou, ou pito mwen fè sa. E alò, nan liv la, sa va korije. Men nou pral eseye sezi l konplètman, an otan ke nou kapab, sou bann yo.

12 Kounye a, bann yo, chak swa, literati e latrìye, ti mesye yo ap genyen yo jis a lekteryè biling nan la.

13 Bon, mwen ka pa kapab chak swa, pandan n ap pran responsabilite sou tèt nou ap eseye pou glwa Bondye, ap–ap pote sèt Mesaj legliz sa yo, oubyen Sèt Aj Legliz yo, pandan sèt nwit; ap pran yon aj, chak swa. Tankou, lendi swa, Efèz; madi swa, Esmin; mèkredi swa, Pègam; jedi swa, Tiyati; vandredi swa, Sad; e samdi swa, Filadèlfia; e dimanch maten ak dimanch swa, Lawodise, aj legliz n ap viv ladann lan. Lè w konsidere istwa legliz orijinal la, ak–ak ekriven epi istoryen yo, ak anj aj sa, epi–epi mesaj yo, ak dewoulman legliz, pandan sa ap abouti a tan sa a.

14 Se etonan pou wè kòman chak prediksyon Ekriti sa konfòm a san pou san ak listwa, jis egzakteman, ak panse a. Sa te menm etone m sitèlman, ke, yè, m te li jiskaske m te santi tankou jye m te anfle soti. E m te soti e m te di madanm mwen, “M pat janm reve pou m te konsa.” Ou wè? Kijan sa te gran!

15 Bon, pafwa, mwen ka paka delivre tout nèt nan yon sware, pou aj legliz la, mesaj pou legliz la. E si m pataka fini avè l, yon sware, alò se va maten swivan an a dizè. Sa va anonse chak swa, pou sa yo ki vle vini pou koute rès la, paske n ap eseye, mete l sou bann. Mwen va gen sèvis lè sa apati de dizè, nan maten, jiska midi, nan lajounen, pou eseye delivre, rès mesaj la, paske yo ka sezi l sou bann lan. Pa...

16 Nou te anonse ke pap gen ankenn sèvis gerizon, pske n ap eseye rete anba ijans pwofetik Bib la. Epitou, nou te gen yon sèvis gerizon jis sa pa fè lontan isit la. Alò lè sèvis sa yo va fini, lè sa nou va gen sèvis gerizon ankò nan plas la.

17 Men pou kounye a mwen–mwen vle rann sa vrèman klè, de fason tout moun ka sonje, ke kounye a, isit la, sa ka tranchan epi ap rale vini, pou bannou tout yon gwo brasay. Men mwen gen responsabilite, pa

pou-pou lòt bagay ke preche Pawòl la. Se, se tou. Jis-jis kenbe Pawòl la fèm. E anpil fwa sa ka reflete, nan aj legliz sa yo, sa ka reflete sou denominasyon yon moun. E si sa fè sa, se pa nan entansyon pou vin sevè. Sa-sa jis ap deklare sa Lekriti di, ak revelasyon m genyen de Sa. E si w panse m gen tò konsènan sa, alò piga w gade sa kont mwen, jis priye pou mwen pou Bondye montre m sa ki kòrèk, paske se sèten mwen vle kòrèk.

18 Epitou yon lòt bagay, poutèt mwen konsyan responsablitè mwen genyen, nan-nan yon tèl reyinyon tankou sa a, ke sa ap anseye moun yo, ke Sentespri a ap rann mwen responsab pou pawòl m ap di sou chè sa. Kidonk nou wè kòuman nou abòde sa avèk serye. Bon, pa nou an...

19 Mwen te ka gen reyinyon sa alekteryè kèk lòt kote. Men, poutèt se ansèyman, alò nan pa nou... Aleksteryè nan sèvis evanjelik, nou chak gen yon ide oswa-oswa yon disènman, oubyen tankou sa te ye atravè aj yo, e nou gen pwòp legliz nou yo, ak sa legliz nou yo anseye nou , ak sa nou kwè. Nou... M pa renmen al nan legliz yon lòt moun, oswa pami moun konsa, pou di yon bagay ki kontrè a sa ke yo te anseye moun yo. Paske, apre tou, m te eseye klèman fè deklarasyon m ke yon...

20 Si yon nonm se Katolik, e ke li depann de Legliz Katolik pou sali li, li pèdi. Si I se yon Batis, depann de Legliz Batis, li pèdi. Oswa yon Pannkotis, ki depann de Legliz Pannkotis pou sove I, li pèdi. Men... Nenpòt legliz la! Men si endividé sa seryezman repoze l sou fwa nan zèv akonpli Kris sou Kalvè a, li sove, m pa bezwen konnen de ki legliz li fè pati. Paske, "Se pa lafwa ke w sove, e sa se pa gras."

21 Bon, pafwa, lè nou fè sa, lè sa m ap panse, nan pwòp ti biling isit la ke nou te kòmanse sa fè anpil lane, jis avèk on pakèt vye blòk siman ak bagay konsa, e se yon jan de plas sakre pou nou. Nou deteste sa, jis deteste pou wè I chanje, nan yon sans, paske sa a se kote Bondye te kòmanse dabò rankontre nou, kan nou pat menm gen yon planche ladann. Men sa-sa rive nan yon pwen kounye a kote li vin vye ansyen, e nou nan yon biling-pwogram pou biling isit la, pou ranpli blòk sa ak yon legliz la.

22 Kounye a, jiskaske sa rive, mwen santi ke kan m retounen kite chan an, kote m pap blese frè, ak, oswa , kote mesaj yo e latrìye ap soti, alò sa ban m dwa pou eksprime pwòp opinyon m, apati-apati de pa m... apati de chè pa m isit la. Kifè si w di, "yo te anseye m on tijan diferan," mwen t ap... Epi lè sa, nan seri sa a, nou jis envite nenpòt moun ki vle vini. Ou wè? Pa gen pèsonn ki parene I, oswa anyen. Se tabènak la isit la. Epi nenpòt moun ki vle vini, sa jis fè nou plezi pou w vini. Jis vini senpleman. Kidonk mwen envite w pou w pran Bib ou, a chak reyinyon, epi vin ak kreyon ak papye.

23 E kounye a, avèk tout kòmantè yo e latrìye, mwen patka mennen tout liv yo. Kidonk mwen te jis ekri, sou papye, chak fwa, sou papye la, ti nòt apati de istwa ak kòmantè, e latrìye, pou m te kapab jis li sa apati de-de nòt yo la, olye pou m te genyen liv pou ap tounen paj. Sepandan, kan li kesyon de Ekriti, n ap itilize Bib

la. E alò nan kòmantè yo, m va eksplike; oswa pou listwa, se ki istoryen ki te di sa, e latrìye. Apresa nan...Natirèlman, nan preparasyon pou liv k ap vini an, enben, la nou ka daktilografye l kòrèk la, pou nou ka gen tout bagay fèt kòrèk.

24 Bon, nou va fè tout sa nou kapab pou kòmanse e fini bonè otan ke sa posib. Se va uit jou reyinyon, de dimanch a dimanch.

25 Maten an m ap kòmanse avèk Apokalips chapit 1, nan Liv Apokalips la. E Apokalips prezante an twa pati. Twa premye chapit yo se ak sa n ap trete pandan uit jou sa yo. Alòske, yon aj legliz te ka pran nou yon mwa. Men n ap jis oblige touche pwen enpòtan yo, jan nou rele sa. Alò lè nou va gen liv la, nou pral ekri l, plis an detay.

26 Kounye a, Apokalips, twa premye chapit yo, ap trete avèk Legliz, apresa Legliz disparèt. Nou pa wè L ankò jouk nan fen tan an. Apati de Apokalips 1 a 3, se Legliz; Apokalips 4 a 19, se Izrayèl, nasyon an; epi chapit 19 a 22, se yo toulède, ansanm. Avèk fleyo epi avètisman yo, e latrìye, alafen! Sa prezante an twa pati. Ou wè? N ap pran twa premye chapit yo, ki gen rapò ak Legliz, epi ak aj legliz ke n ap viv ladann lan.

27 Bon, an premye, sa ka sanble on jan pa enteresan poutèt n ap oblige retounen pou poze yon fondasyon. Mwen te priye epi etidye, epi fè tout sa m te kapab, pou eseye—pou m te santi Sentespri a, fason pou m te prezante sa a, pou moun yo ka sezi l, e pou nou kapab eklere, lè n fin wè l, epi lakoz nou vin pi pre Kris, paske nou nan tan lafen.

28 E se yon bagay sitèlman mèveye, pandan m t ap etidye istwa yo, pou jwenn kòman legliz sa te kòmanse, e kòman li te elwaye l, e kisa k te rive, epi pou wè ti Semans Bondye sa an aksyon atravè chak aj sa yo; pati ale konplètman, prèske, yon sèl kote.

29 Kounye a, demen swa, n ap kòmanse, e n ap gen yon—n ap gen yon—yon chema la; pa yon chema, men yon tablo, pou m ka on jan anseye l apati de tablo a. Mwen kwè anseyan lekòl Dimanch yo, youn nan yo , gen yon tablo. M ap gade l dèyè a. M pral mande konsyèj la pou monte l anwo la, plase l la devan an, konsa m ap ka anseye apati de tablo sa, pou ap ekri konsa ou va sèten. E w ap kapab desine l sou papye pa w, e latrìye, epi rapwoche l jan n ap kapab mennen l.

30 Men mwen jis vle di sa anvan m kòmanse: Pou w wè kòmansman aj legliz la, e pou w wè kòman apot yo, doktrin yo, ak bagay yo te anseye yo, epi prensip Bib la; apresa pou w wè aj sa, apeprè dezyèm vag apot yo, kijan sa te kòmanse ap diminye, vrè a, veritab ansèyman an; twazyèm vag la, li t al byen lwen; lè w te rive nan katriyèm lan, li te abouti nan yon—yon legliz tyèd li te vin yon legliz tyèd.

31 Epi apresa yon Legliz ranpli ak Lespri! Ki se, m ap di sa avèk anpil respè sakre pou reliyon chak moun. Depi nan kòmansman an, jouk nan moman sa a, vrè a, veritab Legliz la te yon Legliz pannkot. Se vre. Bondye te rezève Legliz sa.

32 Mwen souvan ap mande, kan Jezi te fè remak sa, pou di, "Piga w pè, ti twoupo, se bon plezi Papa w pou ba w wayòm lan." Mwen souvan te konn mande m kisa sa vle di, men m konprann li kounye a.

33 Semèn dènye a nou te gen yon reyinyon nan Shreveport, Louisianne, pi gran reyinyon espirityèl ke m te janm ale, nan vi m. Shreveport!

34 Mwen te...Mwen te gen kèk jou vakans, e m te desann al Kentucky avèk Frè Wood isit la, youn nan dyak legliz la, oswa administratè, pito, pou al lachas. Nou t al nan bwa.

35 Mwen te tire premye ekirèy mwen. E m te di, "M ap jis ret tann," paske yon moun t ap pase avèk kèk chyen. E m te di, "M ap jis tann jiskaske ekiryèy yo soti nan twou yo. Yo t ap kouri monte sou pyebwa yo, al nan twou yo, epi kache." M te di, "Kan y ap soti...M ap plase m la ap tann." Paske, li te fè vrèman fè frèt epi glase, zòrèy mwen t ap boule m. E, ou konnen, gwo van k ap travèse chemen yo. M te di, "M ap jis tann jiskaske ekirèy yo soti ankò."

36 Apèn m te bese, ke Sentespri a te di, "Leve, epi monte nan plas ou rele 'Chemen pou espòtman lan.' La M va pale avèk ou.

37 E m te monte al nan plas sa ke m rele "chemen espòtman lan." Paske, rezon kifè m te bay chemen sa non yo mwenmenm, se pou m te ka konnen ki kote m ye. "Chemen espòtman," se te poutèt yo te gen...M te rantre la e m te wè sèz ekirèy sou yon pyebwa; m te tire kantite yo pèmèt la, m te kite rès yo la, e m t al fè wout mwen. E se sa espò a ye, se fè sa ou dwe fè a. Kidonk la m te rele I, "chemen espòtman."

38 E Li te refere m a sa, "Plas ke ou rele 'chemen espòtman lan.'" Pa ke Li te bay non an, men ke mwen te rele I konsa.

39 Alò m te monte al nan tèt chemen sa pou akwoupi anba yon pyebwatchèn blan, epi m te ret tann apeprè yon demi è, e anyen pat rive. M te lonje m atè a, m te pwostène m atè, m te etann men m. Lè sa Li te pale avè m.

40 E kan L te fè sa, Pawòl ke Li te revele m, se te sou Ekriti sa menm ke nou pral pran maten an, mwen pat janm wè sa anvan, nan tout vi m.

41 Apresa kan m te rive Shreveport, Louisianne, yon dam ki gen don, non I se Madam Schrader...

42 Sa fè anpil lane, kan Anj Seyè a te rankontre m anba la nan rivyè a, premye fwa a, pou L te parèt nan Limyè sa, ak Pawòl Li te pwononse la; onz lane pi ta, lè m t ap antre nan yon reyinyon, ti dam sa te leve e li te pale an lang epi entèprete. Se te mo pou mo menm bagay ke Anj sa te di.

43 E menm ti dam sa, lè m te antre nan tabènak la nan...oswa plas la nan Shreveport kote nou te ye, nan Life Tabernacle la, Sentespri a te aji sou dam sa pou di mo pou mo sa L te di m anwo a la sou kolin lan. Alò Sentespri a te kòmanse aji epi bay entèpretasyon, pou ap predi bagay pa revelasyon, pa pwofesi, bagay ki ta pral rive nan reyinyon nwit apre a, e pa yon sèl fwa sa te fayi.

44 Anvan sa, yon ti dam te leve kanpe nan reyinyon an, yon dam Batis te vin la san I pat konnen kisa I t ap fè. E manzè te leve nan mitan reyinyon an e Sentespri a te tonbe sou li, e li te kòmanse pale an lang, yon dam Batis ki sot nan Premye Legliz Batis Shreveport. E lè sa li pat konnen sa I t ap fè. Apresa, anvan I te ka di kwakseswa, Sentespri a te bay entèpretasyon an, pou di, "ENSI DI SEYÈ A, 'Nan twa mwa, va gen Espri Moyiz, Espri Eli, Espri Kris, ki va fè sèvis nan tabènak sa a.'" Menni ki te rive, pafètman.

45 Yon mesye Batis ki soti Meridian, Mississipi, te kòmanse ap poze men I sou frijidè li, pou jwen yon bagay nan frijidè a, e Lespri Bondye te vin sou li. Li te pale an lang, san I pat konn sa I t ap fè. E anvan I te gen...te ka konprann sa I t ap fè, Sentespri a te pale ankò pou di, "Ale Shreveport, Louisianne. Sèvitè m va di w kisa pou w fè."

46 E li te vin la, li te di, "M pa konprann sa; sa pat janm rive anvan." O la la!
N ap viv nan dènye jou yo jis anvan Vini Seyè a.

47 Ti Legliz sa te toujou an minorite, Pannkot la. Mwen pa vle di denominasyon Pannkotis yo. Mwen pa vle di sa. Men, moun avèk eksperyans pannkot la! Pannkot se pa yon òganizasyon. Pannkot se yon eksperyans ki rive nenpòt moun ki vle. Katolik, Jwif, Pwozelit, Metodis, Batis, "Nenpòt moun ki vle, ke I vini." Se yon eksperyans ke endividé a...Bondye pa trete avèk yon denominasyon, Li pa trete non plis ak Moun Lòt Nasyon yo antan ke-ke ras ou pèp. Li trete avèk endividé, "Nenpòt moun ki vle." Kit li blan, kit li nwa, kit li jòn; Metodis, Batis, Pwotestan, Katolik, kèlkeswa sa I ye a, "Ke I vini," nenpòt moun lan. Mwen sitèlman kontan Li te fè sa konsa. Mwen...

48 Tankou zanmi an te di yon fwa a, "Mwen ta pito tande L di sa ke site non pa m. 'Ke William Branham vini,' paske ka gen plis ke yon sèl William Branham. Men lè L di, 'Nenpòt moun,' m konnen sa enkli mwen."
Kidonk se fason ke nou tout ka santi nou, "Nenpòt moun ki vle, ke I vini."

49 Kounye a, m konnen gen anpil moun k ap tann deyò a nan otèl ak motèl, ki soti toupatou nan mond lan. Ou wè? Gen moun isit la ki soti Ireland ak diferant plas, k ap tann randevou sa yo. Men m paka pran yo kounye kounye a. Mwen vle konsakre tan m a sa a, nou konprann.

50 Kan m retounen sot nan vwayaj sa yo, dabitid mwen retounen pou bay-pou bay moun sèvis, paske yo anrejistre randevou yo. Men pou kounye a nou oblige kite yo pase poutèt seri Sa a.

51 Bon, jis yon bagay anvan nou kòmanse sou Liv sa. Nan kòmansman te gen Legliz Pannkot. Legliz Pannkot sa t ap aji nan pwisans Sentespri a e Li te pwodui Liv Ak la. Dezyèm vag la, li te kòmanse ap relache, legliz te vin fòmalis. Dezyèm aj legliz, sa te vrèman fòmalis, men ti Semans Pannkot sa te kontinye ap vini, espirityèl la. Apresa li te antre nan yon plas pou aj sonb yo, pandan apeprè mil katsan lane e plis, pèsekisyon sonb. Ti aj Pannkot sa te kontinye ap viv atravè sa. Kijan I te fè reyisi pase, piga nou mande m. Se te men Bondye, se sèl bagay ki te ka fè I.

52 Paske, yo te konn fikse yo, sou poto. Yo te konn prann mesye yo pou mete yo sou yon–yon chouk bwa, epi tache pye yo ak pyès an bwa, pou kite bèt , chyen, manje yo apati de do yo, retire entesten yo soti, anvan menm ke yo mouri. Yo te konn pran fanm, twonse sen yo, yon sèl kou konsa, sen dwat yo, kite yo kanpe epi lese san jis ap koule soti, jiskaske lavi te kite yo. Yo te konn prann ti bebe yo soti nan manman ki ansent pou bay chyen ak kochon manje, pandan yo te konn ap gade yo. Sipozeman pou fòse yo vin nan Kretyente; men Bib la di, e Jezi di, "Sa va rive ke yo va touye w, pou ap panse ke y ap rann Bondye sèvis." Ou wè?

53 E kounye a bagay sa te fofile desann jouk nan yon lòt aj. Apresa finalman li te soti. Alò nou remake pandan ke legliz t ap soti nan refòm lan, sa te detache epi elwaye, depi moman sa, e li te elwaye kite Lespri, elwaye kite Lespri, kontinye ap desann jouk nan dènye aj sa kote li prè pou konsolide tèt li pou fòme yon imaj bèt la.

54 Men ti Lespri sa ap viv nan kè moun yo jiskaske Jezi vini. Sa dwe rive. Kenbe sa nan panse w.

55 N ap desine I sou kat, n ap pran istwa ak tout bagay, pou montre nou ke se egzakteman fason sa. Pran istwa, nou menm, e li I. Gade kisa Bib la di, e apresa sa istwa di. Gade kijan sa rejwenn jis egzakteman konsa. O!

56 Ke nou tout nèt pa pran sa pou yon senp lekti, men ke de fason seryez, nou konsidere seryezman avètisman Sentespri yo epi priye, lajounen kou lannwit. Piga nou kite anyen estope nou pou priye.

57 N ap antre, sa ap fouye lavi grantòm sa yo la nan tan pase yo, jan yo te fè sakrifis. Nou va wè jan sa te rann nou piti. Sa fè m wont tèt mwen pafwa, jan nou oblige gen tout bagay fasil, e yo menm sa te sitèlman difisil pou gen kwakseswa. "Ap pwonmennen patou," Pòl di nan Ebre 11, "ak po mouton ak po kabrit, toumante e aflije, debarase." Kijan temwayaj nou pral fè kanpe bò kot pa yo? Kijan I ap fè alawotè a kote sa? Epi nou oblige gen tout bagay tèlman byen.

58 Bon, jis pa respè, anvan nou louvri Liv la, m ta renmen pou nou tout, ki kapab, jis kanpe yon moman pou lapriyè. Kounye a avèk senserite kè nou, soupire yon mo priyè pou...bay Bondye.

59 Bondye Seyè, Kreyatè syèl la ak tè a, Otè Lavi san Fen an, e Sila ki bay tout bon don pafè. N ap mande W, Seyè, premyèman, pou padone nou tout endiferans nou, tout peche nou yo ak tout dezobeyisans kont Ou, kont youn lòt e kont kanmarad nou yo.

60 Ke ti tan vini ansanm sa pa sèlman pou edifikasyon pwòp nanm nou, men ke sa ka eklere nou yon fason tèl, epi ke sa enspire nou, jiskaske nou va al di lòt. Ke sa ka yon tan de rekonsekrasyon, ki ap ini nou avèk tout Kò Kris la pou nou prè pou Anlèvman an.

61 Bondye Papa, pa avèk pwòp sansasyon pa m, konsyan ke sèvitè ou, epi tout lòt sèvitè yo, pa konplè pou gwo responsabilite sa. Pou ap reyalize kijan grantòm anvan yo, te gen sou kè yo, pou ap eseye revele Sa a, oswa te fè kòmantè sou gwo Revelasyon sa; answit nou reyalize ke nou menm, plis ke yo, nou ensifizan. Men ou se pòsyon sifizan nou.

62 E m priye, Pè Selès, ke W va fè yon bagay espesyal diran tan sa, ke Sentespri a va gen tout plas la nan chak kè. Sikonsi bouch k ap pale ak zòrèy k ap koute. E kan tou sa va fini, e ke nou konsakre I pou Ou, ke nou mache apati de rantre kay sa, pou ap di, "Sa te fè di byen pou nou te la. Sentespri a te pale avèk nou pandan nou te la. E kounye a nou detèmine pou fè tout sa nou kapab pandan Limyè aswè a ap briye." Akòde I, Seyè.

63 Ke, reyinyon sa, koz gason ak fanm gen yon priz, tou nèf. Ke W sisite moun k ap pale an lang, moun k ap entèprete lang. Ke W sisite don pwofesi. Sisite predikatè, pastè, evanjelis, e latrìye, pou Legliz ka edifye. Sisite misyonè pou ale nan chan an byen Iwen pou pote Levanjil gloriye sa. Pe enpòt kote Pawòl la va ale, ke L tonbe nan bon teren, pou pwodui yon santèn, paske nou kwè ke nou alafen aj la. Aboutisman an pwòch.

64 Akòde bagay sa yo, Papa. E anvan tout bagay, Seyè, nan moman sa, ede m, sila ki nan bezwen an. Paske m mande I, pandan m remèt tèt mwen ba Ou pou sèvis sa yo, lan Non Jezikri. Amèn.

[Yon sè pale an lang, yon frè entèprete,—Editè a.]

65 Bondye Pwisan, Ki te resisite Jezi soti nan lanmò, nou sitèlman kontan pou konnen ke Lespri W demere pami nou. Li toujou vrè e jamè yon sèl mo ki pa vrè. E kounye a, Papa, konfime pi devan Pawòl Ou pandan n ap li, pou glwa pa W. E ke chak kè, jan W te di, "Prepare e prè, paske gen yon bagay k ap vini." Se kapab moun yo k ap resevwa dènye avètisman yo pou kite bagay y ap fè kounye a, ap refize chemen kòrèk la. Se Ou nou vle, Bondye Sen, lan Non Pitit Ou, Seyè Jezi. Amèn.

66 Tounen kounye a nan Liv Apokalips, chapit 1. Bon, premye a, m vle li twa premye vèsè Apokalips yo.

Men revelasyon Bondye te bay Jezikri pou l' te fè sèvitè l' yo konnen sa ki gen pou rive anvan lontan.

Se Kris la menm ki voye zanj li bò kot Jan, sèvitè l' la, pou fè l' konnen tout bagay sa yo.

2 Se menm Jan sa a k'ap rakonte tou sa li te wè. Li rapòte mesaj ki soti nan Bondye a ansanm ak verite Jezikri te fè l' konnen an.

3 Benediksyon pou moun k'ap li liv sa a. Benediksyon pou tout moun k'ap koute pawòl mesaj sa a ki soti nan Bondye, pou tout moun k'ap obeyi tou sa ki ekri nan Liv sa a, paske pa rete lontan ankò pou bagay sa yo rive.

67 Jan m te di anvan an, kounye a, nan seri sa nou pral eseye demele Liv la, dapre listwa e latrье. E chak fwa lè nou va wè m refere a paj ke m gen ekri la, se bagay ke m te pran apati de kòmantatè e latrье.

68 Bon, ekriven Liv la se Jan, Sen Jan sila ki diven an, te ekri pou jenerasyon ki t ap vini (A). (B) Sa te adrese a sèt anj de sèt diferant peryòd aj Kretyen an, yon aj apati de jou apot yo jiska Vini Seyè a. E...kounye a, aj yo parèt youn apre lòt, yo chak, depi monte asansyon Seyè nou an jouk Retou Li. Chak aj legliz dekri kondisyon espirityèl pa l. (E) Chak aj legliz ka gade tèt yo pa karakteristik Biblik ak kondisyon espirityèl k ap adrese a yo. Pandan Lespri ap pale, chak aj ka konsidere tèt li. Chak aj pote vrè Viy Kris la, vyèj Saj la. E chak aj pote viy ki grefe a, vyèj fòl la.

69 Istoryen yo dakò, sa a se lavi Jan. Jan te viv dènye ane li yo nan vil Efèz e l te mouri la. Li te sou zile Patmos la, nan moman li te ekri Liv, Apokalips la. Se pa istwa lavi li, men istwa Kris la nan tan kap vini yo. Ou wè? Se te yon pwofesi. Se pa lavi Jan, pa lavi Kris la, men pwofesi pou yon laj ki gen pou vini. Se pa pawòl pwofetik li yo; men, egzaltasyon Senyè a, serezman. Se pa Revelasyon Sen Jan diven an, men Revelasyon Kris Senyè a.

70 Se dènye Liv Nuevo Testaman an, men li rakonte kòmansman ak fen dispansasyon Levanjil la. Espesyalis Bib yo te dakò sou sa.

71 Lèt pou sèt aj legliz yo te ekri, yon fason pwofetik, pou aj k ap vini yo. Pòl te ekri konsènan lavi ak glwa sèt legliz yo ki te preznan epòk li a. Jan te ekri konsènan lavi ak glwa sèt legliz yo nan tan kap vini an, Jan t ap adrese l a sèt pastè yo oswa mesaje yo kòm si se te dirèkteman a tout kretyen ki anba sèt zanj diferan sa yo.

72 Kidonk, Liv Apokalips la, nou pral pran kounye a, alòs ke n ap atake sa pou maten an ak aswè a. Apre sa, nou pral eseye kite a anviwon onz è oswa onzè-trent, yon bagay konsa, epi answuit, kòmanse ankò aswè a a sèt è.

73 Kounye a pati premye chapit sa a. Premye vèsè a, li—li vrèman pale pou limenm, paske se Revelasyon Jezikri a. Dezyèm vèsè a, Sen Jan divin an se eskrib la ak sèvitè. Twazyèm vèsè a, benediksyon yo te pwononse. Katryèm lan jiska 6yèm vèsè a, salitasyon pou legliz la. Septyèm vèsè a, anons lan. Wuityèm vèsè a, Divinite sisprèm Jezikri a. Nevyèm lan rive sou ventyèm vèsè a, vizyon Patmos la.

74 Epi tou, katòzyèm ak kenzyèm vèsè yo dekri Sept fwa glwa Moun Li ye a. Oh, sa bèl lè nou wè Kris la nan sèt fwa pèsonaj li yo... sèt fwa kreyati pèsonaj li yo, nan gloriye reziréksyon Li an.

75 Kounye a, tit la dekri pèsonaj la. Revelasyon Jezikri a ,...

76 Se pa revelasyon Sen Jan diven an, men Revelasyon Jezikri, Pitit Gason Bondye a.

77 Kounye a, mo grèk pou revelasyon an se apokalips, ki vle di "dewoulman an". Apre sa mwen te pran mo sa a epi fè rechèch sou li. Sa vle di, Apokalips sa a, se pou...Tankou yon eskiltè, te fè yon gwo estati, epi li te kouvri l ak yon vwal. Apre sa, li al dechire vwal sa a pou l revele sa l gen dèyè vwal la. Se yon devwalman.

78 Epi Liv sa a se pa devwalman, tèlman, Pèsonaj Jezikri a. Poutan, li sètènman pale de Divinite Li ak pèsonaj sèt fwa Li a, epi tou bagay ke L ye yo, tankou Prét, Wa, elatriye. Men se revelasyon zèv Li gen pou fè yo nan sèt laj legliz Li yo k ap vini an. Li...

79 Lè Senyè nou an te sou tè a, disip yo te mande L "Mèt, èske nan tan sa a W ap retounen wayòm nan bay Izrayèl?"

80 Epi Jezi te di: "Li pa revni a noumenm pou konn lè sa a oswa tan an." E pesonn pa ta konnen. Li te di: "Menm Fis la," pou kounye a, "pa t konnen."

81 Men, apre lanmò L, antèman L, ak rezirèksyon, epi asansyon I nan Laglwa, li te resevwa nan men Bondye avni Legliz la. Lè sa a Li te retounen, pou pote Mesaj sa a bay Legliz la, ak Mesaj retou L sa a e kondisyon legliz Li yo atravè Laj la.

82 Li pa t kab fè I anvan lanmò L, antèman L ak rezirèksyon I, paske I potko konn sa. Men èske w remake ki jan ekriti yo li la a? Revelasyon Jezikri, ke Bondye te ba li (Kris)

83 Ki jan Bondye Papa a te bay Pitit Gason L Jezikri Revelasyon an. Apre sa Li te voye zanj Li kot Jan pou I fè konnen bagay sa yo ki se te; ki te, ki se, e ki pral ye. Oh, se yon si bél imaj!

84 Kounye a, nan laj espektakilè k ap vini sa a ke Jan te wè a! Ebyen, sa yo, Yo te ba I Revelasyon sa a, estrikteman, pou devwale objektif espesifik Kris la, kisa L t ap ye e t ap sanble, nan chak aj. Se rezon sa a mwen te di, maten an, kenbe panse w sou vrè Legliz la. Vrè Legliz la te kòmanse jou Pannkòt la.

85 Pa gen okenn teyolojen, espesyalis Labib, oswa istoryen, ki ka janm di ke I te kòmanse nan epòk Martin Luther, Wesley, laj Katolik, oswa nenpòt lòt laj la. Li te kòmanse nan Lapannkòt. Se te inogirasyon Legliz la. Se te kòmansman an. Alòs, poutèt sa, nan yon diskisyon ak nenpòt moun nan, kanpe nan baryè Pannkòt sa a, epi yo pa p ka al okenn lòt kote.

86 Menm jan lè w met yon lapen nan yon jaden. Ou konn ki kote chak twou ye, kidonk ou te fèmen I. Li pral oblige tounen imedyatman nan menm kote sa a ke I te antre a.

87 Ebyen, se fason sa a, nenpòt moun k ap pale osijè de legliz ak laj legliz yo, ak zèv Lespri Sen an, w ap oblige retounen nan kòmansman an, orijinal la. Li gen pou tounen la paske Bondye enfini, epi li omnipoten. Se poutèt sa, Limenm antan ke enfini, li pa ka fè yon bagay isit la, epi fè yon bagay ki kontrè ak li, la ba a. Li dwe fè chak fwa menm jan ke L te fè L premye fwa a.

88 Menm jan Pyè te di, jou... lè Moun lòt nasyon yo te resevwa Lespri Sen an, li te di: "Èske n ka anpeche dlo, lè I te wè yo te resevwa Sentespri a menm jan nou te resevwa l okòmansman an?" Jezi, lè L te sou tè a, te pale epi L te di: "Li..."

89 Yon moun vini, e I te di: "Èske sa legal pou nou, pou n kite madanm nou pou nenpòt rezon an?"

90 Jezi te di: "Moun ki fè gason an, fè fi a. Pou rezon sa a, yon nonm pral..." Li te di, "Men, Moyiz te kite nou ekri yon divòs." Jezi te di: "Sa pa t konsa nan konmansman an".

91 Retounen nan kòmansman an. Se poutèt sa, si nou pral pale sou laj legliz la, nou dwe tounen nan kòmansman an, mete sou kote chak deklarasyon ke nenpòt moun te fè atravè laj la.

92 Sa a se Liv ki pi ofisyèl nan nenpòt Liv nan Bib la. Sa a se sèl Liv Kris la te mete So pa L sou li. Li kòmanse ak yon benediksyon epi li fini ak yon madichon. "Benediksyon pou moun k ap li a." Epi, "Madichon pou moun ki retire nenpòt bagay la nan Li."

93 Se sèl Liv ke Kris te ekri nan tout Bib la. Dis Kòmandman yo, li te ekri ak dwèt Li. Se vre. Jwif yo akwoche yo a sa. Epi, jodi a, se—Apokalips an.

94 Epi si Satan rayi yon Liv nan Bib la, se Apokalips la. Gen de... Li rayi tout ekriti, epi li se tout kanno Ekriti a. Men, si gen yon bagay, li meprize sitou, se Apokalips ak Jenèz. Paske, Jenèz pale de kòmansman an. Apokalips revele sa ki pral rive I nan dènye jou a. Li pral mare pou mil ane; apre sa limenm, ak fo pwofèt la, epi bèt la, yo pral jete yo, vivan, nan Letan Dife a.

95 Epi li pral atake Liv Jenèz la sou baz li—li otantik. Li pral di, ke, "Li pa otantik." Epi li pral brase lespri moun yo. Gad kot dyab la chita, Liv Jenèz sa a oswa Liv Apokalips la, premye a ak dènye a.

96 Epi Liv Apokalips la gen plis senbòl ladan I pase tout rès Liv ki nan Bib la. Li gen plis senbòl paske I se yon Liv pwofesi. Se yon Liv pwofetik. Se poutèt sa yon klas pwofetik dwe konprann li . Liv sa a pa fèt pou tout moun. Pa gen moun ki ka konprann li, difisilman. Liv sa a fèt pou yon kategori klas moun. Nan Detewonòm, Li di: "Bagay ki kache yo se pou—pou— Senyè a." Se vre. Epi li revele nou, pitit Li yo, bagay ki kache yo. Kidonk li pa al...

97 Espri chanèl la pa ka konprann gran choz nan Ekriti a, paske li se lafoli pou yo. Men, pou moun ki renmen Pawòl Bondye a, se pou yo Liv la te ekri, pou Legliz la. Revelasyon Jezikri a, "Pou legliz Efèz la, pou legliz Esmin nan, pou legliz la, pou legliz yo," ap kontinye desann. Revelasyon Jezikri pou Legliz la. M renmen sa.

98 Epi remake, se achèvman Ekriti yo tou, achèvman total la. Epi li plase jeyografikman nan bon kote a, nan fen Bib la. Revelasyon tout bagay la te plase la a ak yon benediksyon pou moun ki li L epi ki tande L, epi yon malediksyon pou moun ki pral ajoute oswa retire a. Li se kanno konplè a, oh, absoli a. Pa gen anyen ki ka ajoute nan Li. Epi lè yon moun eseye retire nenpòt bagay la nan Li, oswa ajoute nenpòt bagay la nan Li, Bondye te di Li ta retire menm pati a nan Liv Lavi a. Ou wè? Li ta pran pati pa I la nan Liv la, si I te ajoute nan Li.

99 Se poutèt sa, lè nou wè plizyè Revelasyon Seyè nou an, kiyès Li ye, kisa Li ye, si nenpòt moun ta ajoute yon bagay nan Li oswa retire nenpòt bagay nan Li, se yon fo pwofesi. Anpil te eseye di ke yo te gen yon bagay pita pase Sa a. Men Sa a se Revelasyon okonplè Senyè Jezi a nan laj legliz Li a e nan jou Li a, yon Revelasyon Seyè nou an.

100 Bon—kounye a, devwalman, mo grèk la, yon bagay ki te kache, pa devwale -...“ap revele” Kris la. Kounye a, pwochen vèsè a, nou jwenn, nan dezyèm vèsè a.

101 Premye vèsè a ap devwale Kris la, Revelasyon an, oswa devwalman an. Oh! Ki jan dènye aj la ak Vini nan Senyè a te dev... te kache, pou apot yo! Yo te poze kesyon an, men se yon sèl ki te viv pou gen Revelasyon an. E ankò, li pa t konprann li, paske istwa a pot ko ekri deja.

102 Kounyeya, istwa Liv sa a, oswa—kontèks Liv sa a, te adrese a sèt legliz ki nan Azi Minè a, ki te egziste lè sa a. Li te adrese a sèt legliz sa yo. Te gen plis legliz pase sèt sa yo, nan jou sa a. Men, chak legliz sa yo te enpòtan parapò a karakteristik legliz sa a, ki t ap suiv li atravè laj la, karakteristik legliz sa a. Tankou Efèz, li te gen yon karakteristik. Esmin, Pègam, ap kontinye desann, Filadèlfia, chak legliz sa yo te gen yon karakteristik nan li, ki t ap parèt ankò nan laj k ap vini yo. Oh! Si w te kab sèlman...

103 Nenpòt moun ka wè—applikasyon espirityèl Ekriti yo epi li ka di ke yo pa t inspire? Pwòp aksyon w, pwòp motif la, pwòp objektif moun yo, se kisa, li pwouve ke Ekriti a inspire, pou wè ki jan Bondye aplike bagay sa yo. Jis sa w ap fè, la a, se yon tip de yon bagay.

104 Tankou Abraram te ofri Izaak, sèl pitit gason I lan; yon tip de Bondye ki bay Pitit gason L lan, plizyè santèn lane apre. Kòman Jozéf ke yo te vann epi te nan prizon, ke frè I yo te rayi I e papa I te renmen I; Jezi, nan yon tip. Ki jan Lespri Bondye a te travay atravè Jozef, yon nonm, epi tou senpleman te tipifye lavi Kris la, pafètman. Ki jan, David, Pitit gason David la te ret sou menm mòn lan. Lè David te rejte kòm wa, li monte sou ti mòn lan, mòn Oliv yo, tounen gade, ap kriye, antan ke yon wa rejte; Kèk santèn ane apre sa, Pitit David la te monte sou menm ti mòn lan, antan ke yon Wa ki te rejte, e I te kriye sou Jerizalèm. Lespri a nan tip ak fòm. Oh!

105 Answuit èske w ka wè gran Legliz pentkotist la nan dènye jou sa a? Èske w ka wè ki jan Bondye te inogire I nan Jou Pannkòt la? Lespri sa a ta dwe rete nan Legliz la atravè tout laj yo.

106 Yo te vin fòmèl e endiferan. Yo te dwe gen yon denominasyon. Yo te oblige ini legliz ak leta ansanm, epi finalman yo te fè sa e yo te lakòz plizyè santèn ane pèsekisyon. Apre sa, se Refòmasyon an, yo soti. Epi chak ane, yo te retire nan Lespri a epi ajoute sou natirèl la, koupe nan Lespri a e ajoute sou natirèl la, jouk kounye a yo jis pare pou fè I ankò. Nou ap viv dènyè, lè fèmti sa yo, akonplisman legliz la. Nou nan Filadèlfia...oswa laj Legliz Lawodise a.

107 Kounye a, yo te prezante premye chapit la, premye vèsè a—bay Jan. Bon, ki moun ki ekriven an? Jan. Jan. Se pa t revelasyon Jan an, e nou konnen se pa t sa, paske sete Revelasyon Senyè Jezikri a. Li te sila, ki te chwazi pou l yon disip. Epi Liv la Li menm revele bagay li te ye a, Jezikri, a moun Li t ap revele a.

108 Epi yo te voye l bay... "Epi li te voye anj Li a pou fè Jan konn sa." Nou pa konnen kiyès zanj li te ye. Bib la pa di kiyès zanj lan te ye. Men, nou konnen se te yon pwofèt, paske Bib la te di nan apre: "Mwen menm, Jezi, te voye zanj mwen an pou temwaye bagay sa yo ki gen pou rive talè konsa".

109 Ansuit nou jwenn ke lè Jan te kòmanse adore zanj lan, zanj lan di: "Fè atansyon pou nou pa fè sa." Apokalips 22, mwen kwè se sa. Epi li di: "Paske mwen fè pati konpayon sèvitè w yo ak pwofèt yo." Li ta ka Eli. Li te kapab youn nan pwofèt yo. Jan te yon apot. Men yo te voye pwofèt sa a.

110 Epi Jan, antan ke yon apot, gade fòm rès lèt li yo, ki pwouve ke se pa t Jan ki te ekri l, paske li pa gen estil tankou Jan. Pran Jan Premye, Dezyèm chapit Jan, elatriye, epi li l. Epi gade estil sa a, apre sa gade fòm li nan sa a. Jan se te yon ekriven e l te yon apot, men sa a se lespri yon pwofèt. Se yon moun diferan, antouka. Ou wè? Se pa t redaksyon Jan an? Se pat revelasyon Jan an. Se te Revelasyon Jezikri ke Bondye bay legliz yo. Epi li te gen...Jan te jis yon ekriven, eskrib la, e—e Liv la deklare menm bagay la.

111 Kounye a, li pa t adresse a Jan. Li te adresse a Legliz la. Se sa. Jan, nan epòk sa a, se te pastè legliz Efezyen an. Epi kounyeya Liv la adresse a Jan... oswa a legliz la, pa a Jan.

112 Kounye a twazyèm vèsè a, Li anons benediksyon an. Tande sa a. Benediksyon pou sila k'ap li, ak sila ki tande pawòl pwofesi sa a, epi ki obsèvè bagay sa yo ki ekri ladann lan, paske lè a rive.

113 Ki lè ki rive a? Lè pou ke bagay sa yo rive, kan Revelasyon Jezikri sa a fini nan chak aj legliz.

114 Kounye a rezon ki fè l te ekri l konsa. Si l ta di, "Bon, kounye a, Li..." Yo t ap chèche L pou; si l te revele, si Li... yo t ap revele l a Jan, ke l ta pral vini osito ke legliz sa yo la a te fini. Sa a se konsa Jan te panse l. Men, si se te sa, legliz sa yo, osito ke yo te fini, yo vin ... Si l te konnen, si sa te revele a limenm ta pral gen sèt long laj legliz, plizyè mil ane, oswa plizyè santèn ane, lè sa a pa ta gen okenn rezon pou tann. Yo ta jis viv laj legliz yo tou bònman.

115 Se poutèt sa, Bondye te di l, epi li pa t revele a yomenm. Li pa t revele a Martin Luther, bagay ke John Wesley te konnen sou Ekriti yo. Li pa revele a Batis yo, sa Pannkotis yo konnen sou Ekriti yo, paske se nan yon laj diferan. Se yon tan diferan. Epi Bondye revele bagay Li yo jis nan sezon an. Oh!

116 Ou pa ka plante mayi nan sezon prentan an epi rekòlte an menm tan. Ou plante yon gress epi li grandi jouk li vin mi. Bondye plante Pawòl li epi apre sa li grandi. E answuit nou vire gade epi n di: "Men ni se te sa." Poukisa, sètènman, nou wè Li apre ke l te revele.

117 Ebyen, "Benediksyon," Pawòl la, anons benediksyon an, nan twazyèm vèsè a, "pou moun ki li oswa ki tande mistè li yo."

118 Sa fè... lespri chanèl la evite l, paske lespri chanèl la pa konn anyen de li. Se pa etonan ke lespri chanèl la pa konnen l, paske se Satan ki nan lespri chanèl sa a. Epi Satan te ekspoze, e Satan pa vle pou limenm ekspoze.

119 Ou remake kouman sa terib pou Satan lè l panse li pral ekspoze? Obsèvè nan youn nan sèvis yo. Siveye aksyon moun yo. W ap obsèvè, nan reyinyon an. Jis anvan Satan pral ekspoze, sou yon jan an de moun, ou ta wè figi yo chanje. Ou wè, yo pa konn sa pou yo panse. An menm tan, Lespri Sen an desann epi li ekspoze demon sa a. Oh! Li rayi jan de reyinyon sa a. Se pou rezon sa a nou te nan yon tèl batay konsa, paske Pawòl Bondye a ekspoze dyab la. Ou wè? Li di kisa l ye.

120 Tankou w di, "Madanm sa a ki chita la a," sou enspirasyon Lespri Sen an, di, "non li se Miss Jones. Li soti tèl-tèl-kote." Kisa sa fè? Li kapte lespri l, fè l monte yon kote.

121 "Ki jan ou fè konnen mwen? Nonm sa a pa konnen m, kidonk sa dwe kèk lespri. Ki kalite lespri li ye?" "Se Lespri Bondye a." "Kouman? Ki pwoblèm mwen genyen?"

122 "Ou pwatininè, gen kansè," kèleswa sa l ye a, "men ENSI DI SENYÈ..." "O!" O, ala Satan rayi sa, paske Sa ekspoze l.

123 Kounye a, lespri chanèl la gade, li di, "Li li-nan panse, telepati mantal." Yo pa konnen. Se foli pou yo.

124 Men pou sa yo ki konnen sa Li ye, o, ala yon benediksyon! Kisa li ye? Yon revelasyon. Yon revelasyon de kiyès? Nonm ki dèyè chè a? Jezikri nan dènye aj legliz sa a, k ap revele Limenm jan L te pwomèt li t ap fè a. Ou wè?

125 Se yon revelasyon, wè, e Satan rayi sa. Oh lala, ala li rayi sa! Li te ekspoze, ekspoze plan li. Satan rayi Apokalips lan ak Jenèz la, mwen te note l la a. Sa se egzakteman laverite.

126 Bon, poukisa li rayi yon revelasyon? Poukisa li kont revelasyon konsa a? Se paske tout kanno Pawòl Bondye a ak Legliz Bondye a bati seryezman sou revelasyon.

127 Sa p ap janm pase pa yon—yon lekòl, kèleswa kantite bon seminè nou genyen. Yo byen lwen dèyè nan laj tenèb la. Bib la ak Legliz la se totalman yon revelasyon.

128 Ann pran, mwen te note kèk Ekriti la a, Matye,—chapit 16 la ak vèsè 18 la. Ann jis jete yon ti—ti koudèy nan Matye 16:18, pou wè ki kote Ekriti yo ye, kote l se revelasyon an. Nan desann sot nan mòn lan, vèsè 17 la. Jezi te reponn e te di l: Ou beni , Simon Bar-jona: paske se pa chè ak san ki fè w konn sa, men Papa m ki nan syèl la. Epi M di w... ou se Pyè, epi sou wòch sa a mwen pral bati legliz mwen an; epi pôtay lanfè yo p'ap ka triyonfe kont li.

129 Kounye a, legliz Katolik di, "Li bati l sou Pyè." Bon, sa a, se vrèman panse chanèl la. Ou pa t kab imajine yon lespri espirityèl ki konprann yon tèl bagay konsa; antanke Bondye, avèk Pwòp Pitit Gason Li kanpe la a, e poutan ta bati Legliz Li a sou yon moun senp, òdinè, ki fèt nan peche. Nonm lan te pwouve l. Li menm, ak menm lespri sa a sou li, li te madichonnen Jezi e l te renye l dwat nan figi l. Se pa t Pyè.

130 Oswa, ni li pa t yon—yon wòch ki te poze la a, jan kèk legliz di ke l te ye a. Se Pa t yon wòch. Paske, Pyè...

131 Wòch li t ap pale la a, pa t Pyè, ni Limenm.

132 Kounye a, anpil nan moun Pwotestan yo ap eseeye di: "Se te Jezi. Se sou Limenm ke L te bati Legliz la. Limenm!" Non, sa toujou fo. Si w remake, se pat Jezi, se pat ni Pyè. Se te revelasyon an. ...lachè ak san pat revele w sa, men Papa m ki nan syèl la te bay revelasyon sa a.

133 Gade. Mwen vle mande w. Nan jaden Dedenn nan, pa t gen okenn Ekriti ki te ekri. Apre sa de tigason yo, Kayen ak Abèl, yo tou de te vle fè yon sakrifis pou jwenn gras Bondye. Lè yo te fè sa, Kayen vini epi li bati yon lotèl. Abèl te bati yon lotèl. Bon, si se tout sa Bondye mande, Bondye ta enjis pou kondane Kayen. Dakò. Answuit Kayen ofri yon sakrifis. Abèl te fè l tou. Tou de nan yo te ofri yon sakrifis. Kayen te adore, e Abèl te adore tou. Kayen te fè tout sa Abèl te fè.

134 Kidonk si ale legliz, fè pati legliz, fè sakrifis, priye epi adore Bondye, se tout sa ke Bondye egzije, alòs Bondye ta enjis pou l kondane Kayen paske l te fè egzakteman sa L te di l fè a.

135 Men, ou wè, Abèl, gras a yon revelasyon, li te konnen se pa fwi ki te fè yo soti nan jaden Dedenn nan, jan anpil lespri chanèl panse jodi a. Abèl te vini epi li te ofri fwi peyi a, e Bondye te refize li, men li te revele... Mwen vle di, Kayen te fè, eskize m. Kayen te ofri fwi peyi a paske li te panse se sa ki te fè yo soti nan jaden Edenn nan. Gad revelasyon sa a. Gad dezakò a avèk li. Gade kijan sa fè mal jodi a. Men, se pa fwi ki te fè yo soti. Èv pa janm manje pòm. Sètènman. Ki jan manzè te reyalize ke l te toutouni, si se te manje pòm? Li gen rapò ak lavi seksyèl la. Li te oblige!

136 Kounye a, nou pran sa kòm yon etid, e nou te fè l, nou retounen sou li. Yo pa gen yon Ekriti.

137 Gen nan yo ki di: "Ebyen, li te di, 'Mwen te gen yon pitit gason ki vin de Senyè a.'" Wi, mesye. Pwostitye a fè l konsa tou. Bondye dwe kreye tout lavi.

138 Men se yon lavi ki pèvèti. Gad nati ti gason sa a. Li te nan papa I, dyab la; detestab, mechan, ansasen. Ou wè?

139 E alòs kòman, Abèl, lè ...paran I yo te pwobableman di I sa—ke pyebwa yo te gen fwi ladan yo, elatriye. Men, yo te revele Abèl sa. Abèl te ale, li pran yon ti mouton, pou san an, pou pran lavi I. Pa yon pye fwi, ki bay pòm ak bannann ak pwa. "Men Abèl, gras a yon revelasyon espirityèl," Ebre 11, "te ofri Bondye yon sakrifis ki pi ekselan. Bondye te temwaye de sa, paske sa te revele a limenm grasa lafwa."

140 Se la a ke Bondye te bati Legliz li a. "Paske chè ak san pa janm devwale w sa." Ou pa janm aprann Li nan yon seminè. Yon moun pa janm te anseye w li yon kote. "Men, Papa m ki nan syèl la fè w konn Sa ." La a, tout bagay la se sou revelasyon, tout Legliz la, "Sou wòch Revelasyon Jezikri sa a, m ap bati legliz mwen an."

141 Ou ta ka pran sa pastè a di. Ou ta ka pran sa seminè a anseye. Ou ta ka pran sa legliz la di. Epi li toujou pa kòrèk. Ou ta kab eksplike I ak elokans. Men jiskaske Bondye fè w konnen ke Jezikri se Pitit li a, epi w sove atravè san Li; sou revelasyon sa a, ke, "Li se Sovè m".
142 "Sou wòch sa a, M ap bati Legliz Mwen an, e pòtay lanfè yo pa kapab genyen batay la."

143 Konsa, ou wè poukisa Satan kont Liv Revelasyon an konsa. Nenpòt bagay ki revele, revelasyon espirityèl, Satan kont li. Se poutèt sa li tèlman kont ministè a jodi a. Paske, kisa li ye? Revelasyon Kris la.

144 Kite legliz la kontinye ak gwo denominasyon ak òganizasyon li yo, ak ti mesaj flè li yo e latriye. Kite yo kontinye, Satan pap deranje sa. Yo pa gen okenn pwoblèm. Tout moun ba yo ti tap sou do.

145 Lè gen yon lè Bondye, grasa Sentespri a, revele Kris la ankò nan Legliz la, avèk pwisans ak demonstrasyon pou geri malad yo, epi fè siy yo ke Li te di ki t ap suiv kwayan yo, rive, lè sa a Satan vire tounen sou kabann li. Li fè yon bagay sou sa. Jiska tan sa a, Satan pa okipe konbyen legliz ou vin manm ladann. Li pa pran okipe li konbyen. Men, lè Kris revele nou ke li se Pitit Bondye a, epi zèv li te fè nou fè tou; pa kèk lòt zèv, men menm zèv yo.

146 "Moun ki kwè nan mwen..." Sen Jan 14:7. "Moun ki kwè nan mwen, zèv Mwen fè yo li va fè yo tou. Fè menm zèv yo, e pi gran pase sa a." Paske, Kris pa t kapab preche batèm Sentespri a, paske sa t ap pi gran. Li pa t kapab pote L ba yo, paske yo pat ko bay Sentespri a. Men, lè Jezi te vini epi Li te sakrifye Lavi Li, epi Sentespri a te retounen, lè sa a yo te kapab bay pèp la Lavi Etènèl. Se sa ki "pi gran an."

147 Men, siy ak pwodij yo, Jezi te di klèman, nan Mak 16, "Ale nan tout mond lan, preche levanjil la bay tout kreyati." Ki distans? Tout mond lan. Konbyen? Chak kreyati. Toutotan y ap preche Levanjil la, siy sa yo pral suiv moun ki kwè yo. Epi lè sa a vin tounen yon revelasyon, frè, ou toupre Wayòm nan lè sa a. "Sou wòch sa a, M ap bati Legliz mwen an, e pòtay lanfè yo pa ka domine sou li."

148 Paske, gason oswa fanm ki te janm nan dèyè sa a nan dezè sa pou kont li, tankou Moyiz te ye a, epi revelasyon Bondye a te manifeste devan I grasa Sentespri a, pa gen anyen ki ka souke I. Li jis parèt osi solid ke li kapab.

Satan rayi Revelasyon. Li pa renmen li, ditou; sa deranje plan li yo.

149 Nati Liv la montre Jan pa t ekri I. Se vre. Paske yo se—yo se pou lòt... Yo se ekri li, men se pa enspirasyon li. Se enspirasyon Bondye ki ekri Liv la. Trè byen.

150 Ann wè sa li di kounye a.

Benediksyon pou moun k ap li, ak moun sa yo ki tande... pwofesi sa a, e ki kenbe bagay sa yo ki ekri ladan I, paske lè a rive.

151 Kounye a, "Lè a rive." Kisa? Lè Revelasyon konplè Jezikri a te devwale bay legliz Li yo. Epi kòm laj yo ap dewoule, sa jis revele ba yo.

152 Kounye a nou dirèkteman nan tan lafen an, donk kounye a nou vrèman nan fen monn lan. Nou nan konsomasyon istwa mond lan. E anvan semèn sa a fini, epi kòm Bondye avèk nou, ap ede nou, nou pral pwouve ke nou nan konsomasyon laj legliz yo. Nou nan Filadèl...oswa Laj Legliz Lawodise a, lafen tout laj yo. Nou nan lafen mond politik la. Nou nan lafen mond natirèl la—la. Nou nan lafen tout bagay. Nou nan lafen tout bagay natirèl, pare pou antre.

153 Lè m t ap vini lòt jou a, mwen kwè m t aprale Shreveport, oswa m t apral yon kote. Mwen gade. Mwen di: "Pye bwa yo ap mouri. Zèb la ap mouri. Flè yo ap mouri. M ap mouri. Mond lan ap mouri. Tout bagay ap mouri. Tout bagay nan mond sa a ap mouri." Nou chita isit la maten an, n ap mouri.

154 Se sèten, gen yon monn yon kote, kote tout bagay p ap mouri. Si gen youn kote tout bagay ap mouri, fòk gen youn kote tout bagay ap viv. Se sa nou dezire a, pou nou rive kote ki gen...pye bwa yo kanpe imòtèl. O, kote tout bagay imòtèl epi li kanpe nan—nan glwa Bondye a.

155 Kounye a, bon, twa premye vèsè nou te genyen kounye a, ki poze baz la. Premye a : "Revelasyon Jezikri a." 2yèm lan, "Se yon anj ki te bay Jan Li." Epi 3yèm lan, se, "Benediksyon, se pou moun yo ki li yo beni, epi," si ou pa ka li, "benediksyon pou moun ki tande a." Ou pa ka li? Ou jis tande Li. Se tou. "Benediksyon pou moun ki li, epi," si w pa kapab li, "benediksyon pou moun ki tande, paske lè a rive."

156 Koulye a, imagine ki sa kanon sa a vle di, se ke, Jan, ekriven ki te la a, antan l ap ekri sa, te... Sa a se Jan isit la, ki jis di "benediksyon" elatriye. Kounye a, sa mwen panse ke li te ye, nan Ansyen Testaman an, prêt la te leve kanpe yon maten epi li li Ekriti yo. Kongregasyon an te koute. Anpil moun pa t kapab li. Konsa, li te di : "Benediksyon pou moun ki li, ak moun ki tandé." Ou wè? Sila ki li a ak sila ki tandé a; moun ki li a, epi moun ki tandé a, li beni. Kifè, si ou jis chita epi ou koute li, ou beni. "Benediksyon pou moun ki li, ak moun ki tandé, paske lè a rive."

157 Kounye a, soti nan 4 rive nan 6 se yon bonjou pou Legliz la. Kounye a nou vle pran 4yèm ak 6yèm vèsè sa a.

158 Kounye a, anvan nou atake sijè sa, mwen vle tout moun eseye reflechi byen serye kounye a. Ki sa Sa ye kounye a? Se revelasyon Jezikri, kote Bondye te retire vwal la sou tan an. *Isit* la se tan, ke Jezi pa t kapab wè lè li te isit la sou tè a, laj legliz yo, sa ki ta pral rive. Kidonk, Bondye te retire vwal la, Li te rale l, epi Li kite Jan gade ladan l pou l wè sa chak laj legliz la ta pral fè, epi Li ekri l nan yon liv epi voye l bay sèt legliz yo.

159 Kisa li ye? Kris la te revele nan jou aksyon Li—Li yo. Li plen ak aksyon, Se sa Liv la ye. Epi li se yon—yon Liv pwofetik Kris la te bay, Bondye te ban nou pa zanj Li a, Jan te ekri. Epi yon benediksyon pou tout moun ki pral li Li oswa ki pral tandé Li li, paske—paske tan an rive lè tout bagay sa a rive.

160 Gen yon bon fondman la. Epi sonje, n ap kenbe Legliz la nan lespri nou. Sou yon bò, Legliz la te kòmanse; sou lòt bò a, legliz la fini. Nou va apwofondi sa pi plis, lendi swa, lè nou abòde laj legliz yo.

Jan bay sèt legliz ki nan pwovens Lazi yo: Gras ak kè poze nan men moun ki la, ki te la, ki gen pou vini an; ak sèt Lespri ki devan twòn lan .

161 Kounye a n ap antre nan pati misterye epi pwofon senbòl yo. Li adrese a sèt legliz ki nan Azi Minè yo. Yo te gen—yo te gen,,,Laj yo—yo, nan epòk sa a, te gen pou vini nan lavni. E Li te louwe yo epi—epi felisite yo pou travay yo ak sa yo te fè. Men, kounye a, sa te adrese a legliz sa yo, sèt legliz ki nan Azi Minè yo.

162 Bon, Azi Minè pa t tout Azi, kontinan Azi a. Se te jis yon ti pati. Yo pretann, se yon kote ki gwosè eta Pennsylvania konsa, ou wè, oswa yon bagay konsa, oswa Indiana; jis yon ti plas kote sèt legliz sa yo te tabli. Te gen plis pase legliz sa yo nan epòk la. Epi, men, li revele karaktè yo. Koulye a, m ap li isit la sa mwen te jwenn nan lekti mwen te fè sou listwa li.

163 "Epi li se...Madichon sou sila ki tandé epi, oswa, epi ki pa koute Li."

164 E—e kounye a, nou rive nan tan 4yèm vèsè sa a ke nou vle eksplike yon bagay isit la. "Soti nan Sila a ki te la, epi ki la e ki gen pou vini an, epi ki gen sèt Lespri yo; soti nan sèt Lespri ki devan twòn Li an." Bon, "Lespri yo," nou va vin sou yo pita.

165 Kounye a, isit la sa prezante, si w remake la—la. Epitou nan 7yèm vèsè a, oswa 8yèm vèsè a, Li di ankò epi Li prezante ankò. Koulye a, gade. Yo adrese Sa sèt legliz yo. "Soti kote Sila ki la, ki te la, epi ki gen pou vini an. Ki te la, yon fwa; ki la kounye a; epi ki gen pou vini an." Kounye a, Li prezante isit la twa fwa Li a, twa fwa manifestasyon travay Li a.

166 Koulye a, si w ap pran 8yèm vèsè a. Nou pral rive nan li, jis nan yon minit. Nou pral pran 8yèm vèsè a.

Mwen se Alfa ak Omega, kòmansman ak fen an, di Senyè a, ki se, ki te, ak ki gen pou vini, Toupwisan an.

167 Kounye a, n ap kenbe 4yèm ak 6yèm vèsè a an vi, yo tou de se menm. Youn, Li di, "Pou moun ki te la, ki la, ki gen pou vini an." Kisa L ap eseye mete devan Legliz la? Divinite li. Jodi a, moun yo eseye fè de Li yon—yon pwofèt. Li plis pase yon pwofèt. E kèk moun eseye fè L twa bondye. Li pa twa Bondye. Li se yon sèl Bondye ki te viv nan twa fonksyon, twa manifestasyon menm Bondye a.

168 Kounye a, sonje, sa a se Revelasyon an: "Epi nenpòt moun ki tandé sa epi ki pa respekte pawòl ki nan liv sa a, y ap retire pati li nan liv lavi a." Jezi pa revele tèt li kòm twa bondye, men se yon sèl Bondye ak twa fonksyon. O! Sa pral vin rich apre yon ti tan, lè nou antre nan laj legliz sa yo epi wè ki kote yo pèdi sa. Li te lakòz yon gwo divizyon nan Konsèy Nise a. Tou de nan yo te tonbe yon kote byen fon.

169 Epi yo te fè menm bagay la nan dènye jou sa yo ankò, menm jan ak yon Konsèy Pre Niseyen ankò, paske pral gen yon lòt. Menm jan sèten mwen kanpe isit la, legliz Katolik ak Pwotestan yo pral ini yon bagay ansanm, oswa dakò youn ak lòt. Gadeachevèk Canterbury a laba a kounye a. Tout bagay sa yo ap monte ansanm. Epi pa gen yon Bondye trinitè ki anseye nan Bib la. Gen yon sèl Bondye.

170 Epi li revele isit la nan Liv Revelasyon an, pou tout kanon Ekriti yo te kapab pwouve isit la, e Kris te mete so Li sou li. Se Sa. Si yon moun retire oswa ajoute, y a retire menm limenm nan Liv Lavi a. Kifè, pa apwoche sa a pa egoysis, apwoche sa a ak yon kè ouvè ak yon lespri ouvè.

171 Bon, nan Konsèy Nise a, yo pran de gwo desizyon. Sou...O, anpil nan yo nan epòk premye zansèt legliz yo, yo te gen de pwendvi ekstrèm. Youn nan yo se te yon Bondye trinitè, yon trinitè. Epi lòt la se te yon—yon Bondye inik. Epi yo tou de vin alegzistans epi yo fòme de branch lateral, *konsa*. Triinite a te vin tounen yon

kote yon moun ki konpoze an twa bondye. Inite a te vin yon initè, elwaye menm jan ak lòt la. Kifè, yo tou de te ale sou yon branch lateral, men jis *Isit la* Verite a te revele.

172 Jezi pa t kapab pwòp Papa I. Ni, Li pat gen yon papa andeyò Lespri Sen an, alò, Li se yon timoun ilejitim. Epi se pa... Sentespri a te konsevwa Li, epi Li te di Bondye se Papa L. Donk, Sentespri a ak Bondye... Se Matye 1:18. Si... Sentespri a ak Bondye dwe menm Moun lan, oswa Li te gen de papa. Epi Li te rele *Emanyèl*, ki vle di: "Bondye avèk nou". Li te deklare, lè Li te isit la sou tè a, ke Li menm ak Papa a te youn.

173 Mwen te ekri tout Ekriti yo isit la pou nou ka jwenn yo, si yo te poze nou kesyon sa a—sa a, oswa yon lòt bagay.

174 Kounye a, lè Li te manifeste isit la, nan twa ofis Li te ye a, "Sila a ki te la a, Sila a ki ye a, Sila a ki gen pou vini an, Toupwisan an," bon, pa gen twa Bondye la; gen yon sèl Bondye.

175 Epi nan Konsil Nise a, pou yo fè sa, pou yo ka fè sa, yo te oblige pran yon trinite, paske nan monn Women an yo te gen anpil dye. Yo te priye zansèt yo ki te mouri yo. Mwen gen istwa a isit la kote nou ka site li. Ou wè? Yo te priye zansèt yo ki te mouri yo. Se rezon ki fè yo genyen Sent Sesil, ak Sen Mak, ak sen, sen, sen, sen, sen, sen.

176 Lè, Apot Pyè te di: "Pa gen lòt medyatè ant Bondye ak lèzòm, esepte nonm sa a, Kris Jezi." Youn.

177 Yo te dwe gen yon dye trinitè. Kifè, yo—yo te gen Jipitè, Mas, Venis. "Epi li pa t bon, pou mete tout bagay nan yon sèl Dye," Se konsa, yo te jis fann li, epi yo te fè twa fonksyon nan Bondye pou yo vin twa Bondye diferan.

178 Men, li di klèman isit la, nan Revelasyon an, Ki moun Li ye. "Mwen se Sila ki te la, Sila ki la, ak Sila ki gen pou vini an, Toupwisan an." Nou pral jwenn Li yon ti kras pita isit la, Li te di, "Mwen se Alfa ak Omega," A jiska Z, tout antye, alfabet Grèk sa a. "Lis ki nan Vale a, Woz Sawon an; Papa, Pitit, Sentespri; Sila ki te la, ki la e ki gen pou vini an; Rasin ak Posterite David la." Li se Bondye, Bondye. "Avèk-..." Premye Timote 3:16, "San kontradiksyon, mistè Bondye a gran: paske Bondye te manifeste nan lachè, zanj yo te wè L, yo te kwè Li nan mond lan, yo te resevwa Li anwo nan laglwa." Bondye! Pa yon twazyèm moun oswa yon pwofèt, men Bondye Li menm, ki te manifeste sou fòm yon imen. Kounye a, sa a se yon revelasyon, sonje.

179 Kounye a, Bondye, okòmansman, se te gran Jewova ki te abite nan yon Kolòn Dife, ki te pandye anlè Izrayèl e ki te dirije yo. Se te Bondye, Zanj Alyans lan. Li te desann sou mòn lan; tout mòn lan te pran dife.

Dife te vole soti nan mòn lan, epi Li te ekri Dis Kòmandman yo. Yo te rele L "Patènité Bondye a," pou pitit Li yo, ras pèp Li chwazi a, Juif yo.

180 Alò menm Bondye a te manifeste aklè nan yon kò ki fêt nan yon jenn fi vyè ke Li te kreye nan vant Mari, Li te viv epi Li te demere epi drese tant Li, jan Li te ye a, nan mitan èt imen. Epi menm Bondye sa te fè L chè epi Li te abite nan mitan nou. Bib la te di sa. "Bondye te nan Kris la." Kò a se te Jezi. Jezi, "nan li te abite plenitud Bondye a kòporèlman." Sa pa ka fè Li twa moun, kounye a. Ou pa ka batize pou twa Bondye. Gen yon sèl Bondye. Ou wè? Yon sèl Bondye. Kounye a, menm Bondye sa a te fè L chè.

Li te di, "Mwen soti nan Bondye, epi Mwen pral kote Bondye."

181 Apre Li te fin disparèt sou tè a, nan lanmò Li, antèman, ak rezirèksyon Li, ak asansyon Li, Pòl te rankontre L sou wout Damas la, lè yo te rele I "Sòl". Epi yon Vwa vini, Li di: Sòl, Sòl, poukisa w ap pèsekite M?

Li di: "Ki Moun Ou ye?"

Li te di, "Mwen se Jezi."

182 Epi Li te yon Kolòn Dife, yon Limyè ki te fè apot la avèg. Li te vin tounen Sa. Menm Jezi a te tounen vin Bondye, Papa a, ankò. Se rezon ki fè Li te di isit la, "Mwen se Toupwisan an," nan menm fòm Li te ye anvan Li te fè chè a; ak kò Li te rete ladann lan, yo te rele Jezi a, Nom ke nou konnen an, Jezi.

183 Kounye a, se menm jan pou anpil nan nou chè moun initè yo ki batize nan "Non Jezi," nou nan erè. Gen plizyè santèn Jezi nan mond lan jodi a, men gen yon sèl Seyè Jezikri. Li te fèt yon Kris. Anpil Jezi. Mwen te rankontre anpil nan yo. Men, gen yon sèl Seyè Jezikri, li se Bondye.

184 Epi Papa, Pitit ak Sentespri se pa *non yo ye*. Yo se tit ki ale ak yon sèl Non. Yo batize, "nan Non Papa, Pitit, Sentespri." *Papa* se pa yon non, epi *Pitit* se pa yon non, epi *Sentespri* pa yon non. Se yon tit, tankou "moun". Se sa li ye, Sentespri a. Yon moun... Oswa, yon lespri, Sentespri. Alò, di: "Nan non 'Papa a'." Gade papa yo, ak pitit pitit gason ou yo. Gade isit la. Gadetout moun ki isit la Ou wè? "Papa, Pitit, ak Sentespri" se pa yon non. Se yon tit ki ale ak Non "Seyè Jezikri a."

185 Se konsa Legliz apostolik la te batize, nan kòmansman an. Epi m ap mande nenpòt moun pou l pwodui yon tèks nan Lekriti, oswa yon sèl fwa nan listwa, ke nenpòt moun te janm batize nan Legliz kreyen an nenpò lòt fason ke nan...men nan Non "Jezi Kris la" jiskaske legliz Katolik la te fòme. Epi yo te adopte "Papa, Pitit ak

Sentespri" pou yon kredo. Koulye a, pote istwa ou a, kèk, istoryen yo. Wi. Pa gen yon bagay konsa. Se apre lane 304 aprè Jezikri, lane 304, batèm trinitè a vini pou yon Bondye trinitè, "Bondye Papa a, Bondye Pitit la, Bondye Sentespri a." Se paganis.

186 Anvan semèn sa a fini, m ap li I nan liv yo epi m ap montre w pa Bib la. Nou ap pale maten an sou Revelasyon an, epi pwouve ki kote li te vini, epi ki jan li te kòmanse egziste. Retounen nan Verite a, frè! Nou nan dènye jou a.

187 Tann jiskaske nou rive nan legliz Efezyen an epi tipifye l ak Lawodise a, epi gade sa ki te pase ant yo. Ou pral wè ki jan bagay sa a te antre. Vini nan laj Luther, li di, "Ou gen yon non kòmkwa w ap 'viv,' men ou mouri." Mo Sad la menm vle di "mourir". Yo te pèdi li nan mil senksan (500) ane yo nan Laj Fènwa yo. Chak legliz te kenbe sa jouk lè sa a. Alò, lè yo te gen Konsil Nise a nan 606, epi Lè sa a, yo te demoli Non sa a epi yo te fè twa Bondye soti nan Li.

188 Li te di isit la, "Mwen se Sila a ki te la, Sila a ki la e ki gen pou vini an, Toupwisan an." Se sèten.

189 Li te gen yon Èt an twa sou tè a. Lè Li te sou tè a, Li te yon Èt an twa. Sou tè a, Li te yon pwofèt. Li nan syèl la tou, yon Prèt. Epi lè Li tounen sou tè a ankò, Li pral yon Wa. Pwofèt, Prèt, ak Wa. Sila ki te la, ki la, ki gen pou vini an. Jezi se te yon pwofèt: "Sila ki te la". "Sila a ki te la kounye a," se yon Prèt k ap fè sakrifis espirityèl, yon Gran Prèt ki kapab touche pa santiman enfimite nou yo, epi devwale Tèt Li epi pwouve ke Li nan mitan nou. Pwofèt, Prèt, ak Wa, men se yon sèl Bondye.

190 Lè li te sou tè a, Li te yon Pwofèt, Pawòl la. Yon ti tan annapre, Bib la rele L: "Temwen fidèl la". Yon temwen fidèl, se pwofèt la. Li te Prèt, e lè...Li se Prèt kounye a, epi lè Li vini, Li pral Wa.

191 Si w fini, li Revelasyon 15:3, ou ka wè nan Revelasyon 15:3. Ann vire isit la pou nou wè kisa Li...si Li pral Wa, si Li se wa lè Li vini. Kounye a nou pral nan Revelasyon, 15yèm chapit la ak 3yèm vèsè a—a.

Yo t ap chante yon chante Moyiz, sèvitè Bondye a, ak yon chante Ayo a. Yo t ap di: Seyè, Bondye ki gen tout pouvwa a, zèv ou yo se bèl bagay. Ou menm, Wa tout pèp Bondye a, chemen ou yo jis ak verite.

192 Ki sa Li te ye sou tè a? Pwofèt. Ki jan moun yo te fè konnen Li te yon pwofèt? Li te fè siy Mesi a, ki te yon Pwofèt. O, se pou Non Seyè a beni! Ki jan yo te manke L? Paske yo t ap chèche yon lòt bagay. Li te fè siy Mesi a, men yo pa t vle tande L. Li te yon Pwofèt.

193 Moyiz te di: "Seyè a, Bondye nou an, pral sisite yon pwofèt tankou mwen. Li pral rive si yo pa tande Pwofèt sa a, yo pral disparèt nan mitan pèp la."

194 Li te yon Pwofèt sou tè a, kounye a, paske Li te kisa? "Temwen fidèl Pawòl Bondye a." Amèn. Li te Pawòl Bondye a ki manifeste.

195 Sen Jan, 1ye chapit la.

Nan kòmansman an se te Pawòl la, e Pawòl la te avèk Bondye, e Pawòl la te Bondye.

Epi Pawòl la te fè chè, li rete nan mitan nou,...

196 Li te temwen vre epi fidèl Pawòl Etènèl Bondye a. Li te Pawòl la, Pawòl Bondye a. Epi, antan ke Pawòl la, Li te yon Pwofèt. Paske Pawòl Bondye a te koule nan Li. Li te dwe di sèlman Bagay la. "Mwen pa kapab fè anyen nan tèt Mwen, ke sa Papa a montre M pou fè. Se pa Mwen menm ki fè travay yo. Men, Papa a ki abite nan Mwen an, se Li ki fè travay yo. Mwen menm ak Papa M se Youn. Papa M nan Mwen," Jezi di, Nonm lan, Tabènak la.

197 Bondye gen anpil tit: Jewova, Jewova-Jire, -Rafa, -Manase. O, anpil! Li gen sèt non redanmsyon konpoze. Li gen anpil tit: Woz Sharon an, Lis ki nan Vale a, Zetwal nan Maten an; Papa, Pitit, Sentespri. Tout sa. Men, li gen yon sèl Non Imen. Bondye te gen yon sèl Non, e se te "Seyè Jezikri a".

198 Lè li te fèt, Kris la, Seyè a. Uit jou apre, Sentespri a te rele Non L "Jezi". Manman L te fè sikonsi L, epi li te rele L "Jezi." Li te fèt Kris la.

199 Tankou, mwen te fèt yon Branham. Mwen te yon Branham lè mwen te fèt, epi yo te ban mwen non "William."

200 Amèn. Epi Li te fèt Kris la, Sovè a. Epi lè Li te gen uit jou, yo te ba L non "Jezi". Epi li te Seyè de Glwa a, ki te manifeste. Kidonk, Li se Seyè Jezikri, Bondye de Glwa a ki manifeste nan mitan nou. O, Men Li!

201 Sou tè a, li te Pwofèt la. Nan Laglwa, Li se Prèt la. Lè L ap Vini, Li va Wa. O! Mwen renmen sa.

Pwofèt, "Temwen fidèl Pawòl la."

Prèt, "Avèk Pwòp San Pa L devan Bondye."

Wa, "Wa sen yo." Pa Wa mond lan, kounye a. Li se Wa sen yo. Nou gen wa terès sou moun yo. Men, nou gen yon Wa tou, ak yon Wayòm. Se rezon ki fè nou aji diferan.

202 Jan m te di sa pa gen lontan, konsènan madanm mwen, nou t aprale nan magazen an la a epi nou te wè yon mirak, prèske. Se te sezón ete, yon fanm te mete yon wòb sou li. Epi mwen te di, "Sa se yon bagay etranj." Mwen te di, "Si mwen te gen kamera mwen an, mwen t ap pran foto dam lan." Ou wè? Paske nou... Se te premye fanm nou te wè ak yon jip sou li, ou konnen, ki te abiye tankou yon dam ta dwe, tout fanm.

203 Li te di: "Ebyen, kòman fè, Bill, pèp nou an abiye, èske yo kòmande nou—nou sa?"

204 Mwen te di: "Se pa pèp nou an. Se pèp Bondye a. E sentete se yon egzijans pou pèp Bondye a."

Li te di: "Ebyen, èske yo pa al legliz?"

205 Mwen te di: "Genyen yon dam la menm, k ap chante nan koral la nan yon sèten legliz isit la."

"Ebyen, kòman sa fè fèt?"

206 Mwen te di: "Paske yo pa anseye l yon fason diferan." Se egzakteman sa.

207 Sa se legliz chanèl la, nou pral antre nan sa semèn sa a; Legliz espirityèl, legliz chanèl. Yo tout ap tounen drèt nan legliz manman yo, jan Bib la te di, nan Apokalips 17, ke yo ta fè sa. Y ap retounen kounye a menm, yo tout, y ap aji tankou li, yo òganize. "Ebyen, nou se yon sèten...Nou òganize. Nou se sesi epi nou se sel a." Se pa t konsa nan kòmansman an. Pran tout pwisans la nan legliz la epi mete l sou yon evèk oswa yon pap. Bondye nan Legliz Li a, nan mitan pèp Li a, Li manifeste Li nan layik yo epi toupatou, kounye a. Men nan jou sa a...

Li te di, "Ebyen, èske nou pa Ameriken?"

208 Mwen te di: "Non. N ap viv isit la, men nou pa Ameriken. Nou se kretyen. Wayòm nou an se anwo a."

209 Epi si lavi nou soti anwo a, alò nou aji konsa.

Paske, nou vini...Lavi nou soti nan yon kote ki sen. Li parèt diferan. Li abiye diferan. Fanm yo leve gen cheve long. Epi yo pa mete makiyaj sou figi yo. Epi—epi yo pa mete bout pantalon. Yo—yo mete jip, ak wòb long ak rad. Epi yo gen cheve long, ak bagay sa yo. Kidonk nati li, ki soti Lawo, reflete sou nou.

210 Mesye yo pa fimen, pa chike tabak, pa bay manti, pa volè. Yo soti, lespri yo, soti nan yon kote ki sen, fè yo aji ak sentete, rekonèt youn lòt tankou frè. En-en. Se sa.

211 Nou se yon Wayòm, e nou gen yon Wa. Epi li se la

Wa pèp Bondye a. Epi mo sen a soti nan sa "moun ki sanktifye yo." Kidonk lè yon moun sanktifye, Kris, Sentespri a deplase nan kè a epi li vin Wa sou yo. O, lala! Sa ta dwe ale lakay ou. O! Lè vesò sanktifye Bondye a...Kris, Wa a, Sentespri a, antre. Epi li... yon wa gen domèn li. Amèn. Epi tout ou menm antye dirije pa Wa moun santifye yo. Yon Wayòm! Chak wayòm sou tè a pral souke, dechire pa pouvwa atomik. Men, Bib la di: "Nou resevwa yon Wayòm ki pa ka deplase." Amèn. La li ye, Wa moun santifye yo.

212 Mwen vle nou remake tou senbòl Kris la nan Bib la

ak isit la sou tè a. Sou tè a, li te yon pwofèt. Ou kwè

sa? Yon pwofèt se Pawòl la. Nou konnen sa. Mo pwofèt la vle di "yon entèprèt Diven de Pawòl la." Pawòl Diven an te ekri, epi pwofèt la gen Lespri Diven an nan li. Epi, ou konnen, yo te rele pwofèt nan Ansyen Testaman an "dye." Konbyen moun ki te konnen sa?

213 Jezi te di, "Si yo te rele yo dye... Èske sa pa ekri nan lalwa yo, yo se... 'Ou se bondye'? Alò, si yo rele yo 'dye, sila ke Pawòl Bondye a te al jwenn, pwofèt la, ki jan ou pral kondane M lè Mwen di M se Pitit Bondye a?"

214 Paske, yo te rele I "dye", paske li te pote nan li

Pawòl Bondye a, ENSI DI SENYÈ A. Se poutèt sa, mo pwofèt vle di, "entèpretasyon li—li pa dwe melanje ak." Ou wè? Si Bondye... Li di: "Si gen yonn pami nou,

Ki espirityèl, oswa yon pwofèt, Mwen Menm Seyè a pral pale avè I. Si sa li di a rive, alò tandé I, paske Mwen avèk li. Men si sa pa rive, pa tandé I; mwen pa voye li." Se konsa ou konnen li. Kidnk, ou wè, Entèpretasyon Diven Pawòl la dwe kowenside ak dènye revelasyon sa a nan legliz la.

215 Li se Bondye, ki gen Toupwisan. Sou tè a, Li te yon Pwofèt, ki se yon ègl. Konbyen moun ki konnen yon pwofèt konsidere kòm yon ègl?

216 Yon ègl se zwazo ki pi fò nou genyen, ki pi pwisan. Gen kèk nan zèl yo ki lonje katòz pye, soti nan yon pwent pou ale nan yon lòt. Li ka pran epi vole tèlman wo ke si nenpòt lòt zwazo esevey suiv li, li ta p dezentege, li

plim li ta p tonbe soti epi li ta p separe an moso. Paske poukisa? Li gen yon konstriksyon espesyal. Epi a kisa sa sèvi pou li leve byen wo si li pa ka wè sa li ap fè lè li moute laba a? W ap pale de je yon fokon? Ou ta dwe wè je yon ègl.

217 Yon fokon kapab, ta ka wè yon poul. Se vre. Se sa ki pwoblèm ak kèk nan ègl sa yo jodi a. En-en. Men, mwen di ou, yon ègl ale tèlman, si yon fokon te eseye swiv li, li ta p mouri. Li ta p toufe. Li pa ka antre nan esfè sa yo ke ègl yo ale.

218 Answit li gen yon je, ke li ka wè tèlman lwen, lè li anlè a. Kidonk se rezon ki fè Bondye rele *pwofèt li yo*, "ègl". Li ale anwo a, epi li se yon ègl. Li ka wè, trè lwen.

219 Epi Kris, sou tè a, te yon Ègl. Lè Li te mouri, Li te

yon Prèt, kidonk sa te fè de Li yon Anyo. Èske se vre? E lè Li vini ankò, Li se Wa, kidonk Li pral yon Lyon, amèn, Lyon nan tribu Jida a. Amèn. Li se yon Ègl, yon Anyo, epi yon Lyon; amèn; Pè, Fis, epi Sentespri; Pwofèt, Prèt, epi Wa; Li ki te, ki se, epi ki pral vini; Toupisan an; Alfa epi Omega, depi nan kommansman rive nan fen, Bondye Etènèl la.

220 Mwen vle mande nou, kèk nan presye kwayan Katolik yo, ki rele sa, "Filyasyon Etènèl Bondye a; Bondye, filyasyon Etènèl Jezi a avèk Bondye." Kijan ou ka di yon mo konsa? Mwen se yon kretin, ki gen yon edikasyon setyèm ane, men mwen konnen mye ke sa. Mo fis la dwe gen yon kòmansman. Alò kijan Li ka Etènèl epi yon fis? Letènite pa gen kòmansman oswa fen. kidonk, Li pa ka yon fis, yon fis Etènèl, epi answit gen yon kòmansman, paske yon fis Etènèl pa egziste. Yon fis te gen yon kòmansman, kidonk li pa ka Etènèl.

221 Ou wè, Li se Bondye Etènèl la, se pa fis Etènèl la. Glwa! Toupwisan an, Jewova-jire, Jewova-rafa, manifeste na lachè, "nan Li plenitid Divinite Bondye a te demere kòporèlman."

222 Epi nan Jou Pannkòt la, lè Kolòn dife a te vini

desann sou moun yo, èske ou remake, Li te separe tèt li? Epi Flanm dife te poze sou chak nan yo. Dife, tankou lang, poze sou chak pami yo. Kisa Bondye t ap fè? Separe Tèt Li nan Legliz la, nan mitan chak moun, bay fanm yo, gason yo, ak tout nan yo; se te yon pati nan Lespri li, ki t ap divize Tèt Li pami Legliz Li a.

223 Kijan yon moun ka vini epi di: "Nonm sen an se pap la. Nonm sen an se evèk la"? Nonm Sen an se Kris, Sentespri a nan nou. Kijan ou ka di laik yo pa gen yon mo pou di? Chak nan nou gen yon bagay pou di. Chak youn nan nou gen yon travay pou fè. Chak nan nou gen pou pote yon Mesaj. Glwa!

224 Sentespri a te separe Tèt Li nan Jou Pannkòt la.

Bondye, k ap separe Tèt Li. "Jou sa a ou pral konnen ke Mwen nan Papa a, Papa a nan Mwen; Mwen nan ou, epi ou nan Mwen."

225 "Jou sa a," Sentespri a, "sou tout moun, nan tout, atravè tout." Amèn. Men li papa. Sentespri a gen dwa deplase nenpòt kote ke Li vle, sou nenpòt moun Li vle. Ou pa bezwen pran sa kèk evèk oswa kèk prèt di. Li se sèl Prèt nou an, egzak, yon gran Prèt. Kounye a: Pwofèt, Prèt, epi Wa.

226 Kounye a:

Epi...JeziKri, ki se temwen fidèl la,...

premye ne moun ki mouri yo,...(Nou pral pale de sa.)...ak Prens wa yo sou latè. A Limenm ki renmen nou, epi lave nou de peche nou yo nan pwòp san li,

227 Mo lave a, aktyèlman, nan lang grèk la, vle di "debarase." Li te debarase nou de... Nou te mare sou tè a, pa nou peche. Nou pa t kapab wè, pa t kapab tandem, pa te gen okenn konsepsyon de Syèl la oswa anyen. Men lè San an te desann, Li te koupe liy lan epi nou te debarase. O!

228 Mwen te li yon istwa yon fwa, li... ka byen kadre isit la. Yon kiltivatè te kenbe yon kòk epi li mare I . Epi li te di: "Mwen pral anseye lòt kòk yo yon leson." Kidonk li te mare vye kòk la, nan yon janm, ak yon fisèl, epi pòv vye malere a fin mouri grangou. Li te tèlman fèb, li pa t ka mache.

229 Se sa, kèk òganizasyon ak legliz sa yo, te mare pèp la. "Jis pa kapab! Ebyen, sa a se osi lwen ou ka ale. Jou mirak yo pase." Yès. Ou jis mare. Se tou. "Sentespri a pa egziste. Li pa pale an lang tankou Li te konn fè a."

230 Li se Bondye. "Li se menm nan yè, jodi a, ak pou tout tan," Ebre 13:8, vivan nan tout legliz yo. Nou pral pale des a aprè mizansèn maten an. Ou wè? Li se Bondye, ki viv chak laj legliz . Li pral viv nan chak laj legliz, epi Li pral viv nan pèp Li a tankou... pou Letènite. Paske nou genyen nan nou kounye a, Lavi Etènèl.

231 Kidonk denominasyon sa a te mare I, ou wè, "Ebyen, jou yo nan mirak pase. Gerizon diven pa egziste." Pòv vye konpè a te rete andikape jouk li te tèlman fèb li te apèn kapab mache.

232 Epi, yon jou, te gen yon bon nonm ki te vini, li te di:

"Ou konnen, pòv vye kòk sa a, kè mwen si tèlman fè m mal pou li. Apre tou, petèt li te toujou jwenn mayi li, men se sèl fason li ka debat lavi a. Li dwe jwenn yon bagay pou l manje. Kidonk li pa t konnen okenn diferans, li jis laba ap resevwa mayi. Alò si..." Alò li te pran... epi li te pran kouto li epi li relache vye kòk la.

233 Epi ou konnen, lòt kòk yo vini pwoche, vini, yo te di, "Vini non, Johnny Crow. Ann ale nan Sid. Fredi a ap vini."

234 Ou konnen kisa? Kòk sa a te jis ale osi lwen ke li kapab ale laba a. Li te di, "Mwen pa ka fè sa. Li pa, li jis pa pou nou nan jou sa a. Nou—nou jis pa ka fè sa." Ou wè? Li te mare tèlman lontan, jiskaske li te panse li te toujou mare. Ou wè?

235 Epi se menm jan pou anpil moun, ou mare ak credo epi denominasyon, soti nan vye manman prostitiye a laba a, ki di ou, "JeziKri pa menm jan. Epi gerizon pa egziste. Pa gen batèm Sentespri. Pa gen okenn nan bagay sa yo." Ap eseye di ou sa. Ou te mare tèlman lontan jiskaske ou toujou panse ou mare.

236 Bon Nonm la, Kris, te bay San Li pou Li te kapab lave nou epi debarase nou de peche nou yo. Kisa peche ye? M mande nenpòt moun pou di mwen. Kisa peche ye? Peche se "enkwayans". Se vre. "Moun ki pa kwè yo deja kondane."

237 Epi peche w yo se sèl bagay ki anpeche w lib. Se paske Bondye te debarase w de enkwayans ou, men ou si tèlman mare ak pil credo jiskaske ou toujou panse w mare. Jis ap mouri grangou, ou wè, andikape, "Mwen se Presbiteryen. Mwen se Metodis. Mwen se Batis. Yo di m (mwen se Legliz Kris la), 'Jou mirak yo pase. Bagay konsa pa egziste.'"

238 Ou menm pòv kòk grangou! Poukisa ou pa pwoche maten an? Poukisa ou pa vole ale? Alelouya! "Leve zèl yo yon maten, epi vole ale nan Solèy Jistis la, avèk gerizon nan zèl Li yo." Amèn. Se sa. Se sa frè, sè. O! "Moun Fis la delivre, lib tout bon." Wi mesye!

239 "Ebyen, pastè mwen..." Pa gen anyen sou sa. Bib la te di, "Ou lib." Se vre. Ou lib.

"Legliz mwen an..."

240 Ebyen, detache w. "Li lave nou e Li debarase nou anba denominasyon nou yo, nan pwòp San Li," e li te fè nou lib konsa nou ka panse pou tèt nou, epi fè pou tèt nou, epi pale pou tèt nou, epi aji pou tèt nou.

241 "Ebyen, si mwen te retounen e te di pastè a mwen te dwe rebatize, li ta..."

242 kannètil, "Ou lib"? Sa a se yon revelasyon, ou konnen.Egzak. Ou lib.

243 Si yo te farinen yon ti kal sèl sou ou *konsa*, non "Pè, Fis, epi Sentespri," men yon pisin ki etale isit la, prè maten an, avèk dlo ladan l. Ou wè? Wi mesye. Li pa bon.

244 Kidonk, ou pa mare ankò. Ou lib, men petèt ou pa konnen sa. Men kite mwen di w maten an, Bib la te di, "Li te debarase nou de peche nou yo, enkwayans nou, pou nou te kapab resevwa Revelasyon Jezikri a." Ale, lib!...pa gen pou pran sa okenn legliz di sou Li. Pran sa Bondye te di sou Li. Isit la se Revelasyon Li a ki revele Kiyès Li ye.

245 "Mwen te toujou kwè ke Papa Bondye te gen yon bab long, blan, cheve blan; e Fis la te yon nom ki gen laj mwayen; epi Sentespri a se te ti maskòt." Frè, sa se paganis. Se payen si ou kwè nan twa Bondye.

246 Tou premye kòmandman an, ki premye kòmandman an Kòmandman? "Koute, O Izrayèl: Mwen se Seyè a Bondye ou an, yon sèl Bondye." Se sa.

247 Li se yon sèl Bondye, pa twa bondye. Li te rete nan twa ofis, te sèvi twa kote. Li se Pwofèt, Prèt, epi Wa. Li se Ègl, Anyo, epi—epi Lyon. Lis Lavale a, Rose Sawon an, Lis nan Lavale a, ak Etwal Maten an, rasin lan ak desandans David la. Li soti nan A rive nan Z. Li se Pè, Fis epi Sentespri. Li se tout sa, men li se Youn. Li se yon sèl Bondye. Sa se tit Li yo ki revni a Limenm, men gen yon sèl Bondye.

248 Pa t janm gen pèsonn, nan okenn paj nan Bib la ni nan listwa, jiska legliz Katolik, ki te janm batize pa imèsyon nan non "Pè, Fis, epi Sentespri".

249 Si w montre m paj la oswa nenpòt bagay, ou ekri l, mete l la pou mwen, aswè a, e m ap soti nan legliz sa a, m ap di: "Mwen se yon ipokrit; Mwen te mal anseye moun yo." Si ou kapab montre mwen yon sèl tèks nan Ekriti yo, oswa pote ban mwen yon istwa, istwa otantik, ki pral montre m kote pèp sa a te janm batize, nan Bib la, nan non "Pè, Fis, Sentespri." Oswa, pote ban mwen yo Ekri...oswa, yon liv istwa, yon paj, yon sèl sitasyon nan listwa, kote okenn moun te janm batize nan non "Pè, Fis, Sentespri," jouk Konsèy Nise legliz Katolik la. Vini , pote li ban mwen; epi mwen pral mete yon siy sou do m epi mache nan Jefesonvil, epi ou dèyè ak yon kèn, w ap kènen. Mwen pral ekri sou li, "Yon fo pwofèt, k ap twonpe moun yo."

250 Epi, pastè, si w la maten an, ou ta fè sa, ou ta dwe kite m fè sa pou ou. Ou wè? Vini, montre m. Men ou pè.

251 Kounye a, kisa sa ye? Sa a se Revelasyon an. Sa a se Revelasyon an. Epi sa a se Sentespri a, Kris, k ap voye mesaj Li a bay legliz yo. Tande Li. Tande Li. Se sa Bib la anseye.

252 Ki kote li te antre? Si ou jis pa pral fache, deplase

ale, atravè semèn nan, ou-ou jwenn Konsèy Nise yo. Pran *De Babilòn yo ke Hislop te ekri*. Jwenn...

253 Kounye a, istwa Jozèf la byen, men li te ekri sèlman yon paragraf sou Kris la, te di, "Te gen yon nonm yo te rele Jezi ki te mache alantou, ap geri pèp la. Epi—epi Li te mouri, ni, non, Pilat te touye I, epi—e, oswa Ewòd, oswa touye I. Lè sa a, Disip yo ale la, yo vòlè kò I, yo kache I. Answit chak swa yo ale, yo koupe yon ti moso ladan I epi yo manje I." Li te di: "Yo te kanibal." Kidonk, yo t ap fè kominyon, ou wè. Lespri chanèl la! Jozèf pa gen moun pou I koute.

254 Men, pran *Liv Mati yo ke Foxe te ekri*. Gen yon bon otantik. *Liv mati ke Foxe te ekri* a, konbyen moun ki janm li li? Asireman. *Debi Laj* yo ke Pember te ekri, oswa—oswa *De Babilòn ke Hislop te ekri*, oswa—oswa kèk gran otantik. Oswa, yon—le meyè ke nou genyen se Konsèy Nise a, avan Konsèy Nise ak Konsèy Nise a. Epi ou jwenn laba a, sa pa t janm mansyone, pa gen pèsòn.

255 Pran Ekriti sent yo epi gade si te janm gen yon moun nan Bib la ki te janm batize, itilize tit sa yo, non "Pè, Fis, epi Sentespri." Li vle di twa dye. Se pou yon seremoni payen. Epi Katolik se pa lòt bagay nan mond lan sof—yon fòm Krisyanis payen. E de legliz Katolik soti Martin Luther, John Wesley, Batis, Presbiteryen, elatriye.

256 Men nan dènye jou yo, te gen yon pòt ki te mete mitan la, ki louvri Verite a ankò, ke, "Bib la te di sa," epi gran pwofèt ki te gen pou vini sou tè a nan dènye jou yo. E nou kwè I ap vini. Ou wè. Epi li pral gen yon Legliz. Kounye a, nou pral wè sa.

257 Kounye a—kounye a, sonje, sa a se Revelasyon an. Ou pa ka pran retire nan Li. Kounye a, ala yon defi! Jwenn yon sèl moun nan Bib la, yon sèl kote yo te janm batize okenn moun nan non "Pè, Fis, Sentespri," oswa ou janm awoze okenn moun, jwenn sa nan Bib la,

pou padon peche yo. Yo pa janm. E tout moun, pe enpòt kijan yo te batize, yo te dwe vini epi yo te dwe batize, ankò, nan Non "JeziKri," pou jwenn Sentespri a.

258 Travay 19, "Pòl te pase nan kot siperye Efèz la, jwenn kèk disip." Li te di... Disip, yo t ap fè yon gwo reyinyon. Yo t ap swiv yon nom ki rele Apolòs, ki te yon avoka konvèti; yon Batis ki te kwè nan Jan Batis, e li te pwouve pa Ekriti yo ke Jezi te Kris la.

259 Pòl te pase, li wè Akila ak Prisil, nan 18yèm chapit Travay yo. Apre sa, li te ale dine, oswa yon lòt bagay, avèk Akila epi Prisil. Yo te pale li de gran nonm sa a. Yo te ale tandé l. Li te koute l lannwit sa a. Li te di, "Li trè byen. Se trè byen. Sa bon. Men," te di, "Èske w te resevwa Sentespri a depi w te kwè a?"

260 E nou menm pòv Batis laba, kwè nou resevwa

Sentespri a /è ou te kwè a? Li te di, "Èske w te resevwa Sentespri a *depi* w te kwè a?"

Yon moun te di, "Sa pa te ekri nan sa."

261 Mwen defye sa. Mwen gen grèk otantik la isit la, Ebre a tou. Bib la di nan lang grèk la, epi toulède, Ebre, epi tou nan Arameyen an. Nan toulètwa, mwen genyen yo dirèk isit la, ki te di, "Èske w te resevwa Sentespri a *depi* lè w te kwè?" Se vre. "Èske w te resevwa Sentespri a depi ou te kwè a?"

262 Bon, li te di, "Nou pa t konnen si gen yon Sentespri."

Alò li te di: "Nan kisa ou te batize?"

263 Yo te di, "Nou te deja batize pa nonm ki te batize Senyè Jezikri a. Nou te batize nan batèm Jan an," petèt menm twou dlo a, "menm nonm lan".

264 Pòl te di, "Sa p ap mache. Li te sèlman batize

pou repantans, pa pou padon peche yo."

265 Bon, gen kèk pamí moun Initè yo ki vini epi—epi batize sa, se mal. Ou batize sa a, pou salu. Dlo pa sove yon nonm; se San an, repantans. Pa grasa batèm pou rejenerasyon. Non, mesye. Rejenerasyon vini pa Lespri a. Batèm se yon—se yon ekspresyon ekstèn de travay entèn de rejenerasyon ki te fèt la. Ou wè? Trè byen. Remake.

266 Li te di: "Èske w te resevwa Sentespri a depi lè w

te kwè a?" Yo te di...

Li te di: "Nou pa t konnen si gen okenn Sentespri."

Li di: "Ki jan ou te batize?"

Li te di: "Nou te batize nan Jan."

267 Li te di, "An verite, Jan te batize pou repantans, pou

repantans, li di 'ou dwe kwè nan Li,' Anyo a, Sakrifis la te gen pou rive, nan Jezikri Senyè a." E lè yo tande sa, yo te rebatize ankò nan Non JeziKri. Answit Pòl mete men I sou yo epi yo resevwa Sentespri a, epi pale an lang epi pwofetize.

268 Di m sa pa nan Ekriti yo, epi montre m nenpòt kote, ke okenn moun te janm batize okenn lòt fason nan Nouvo Testaman sof nan Non Senyè Jezikri a. Montre m.

269 Sen Agabis ak anpil moun, te gen lòt, ki te batize desann jouk tan nan-nan-nan Konsèy Nise a, epi yo chak te batize nan Non Jezikri. Misyonè yo te kiltive tèren yo ak Non Jezikri a.

270 Men lè Konsèy Nise a te vini, yo te oblige gen twa bondye. Yo te Pòl retire ... oswa yo te retire Jipitè, epi yo te moute Pòl. Yo retire Venis, yo mete Mari. Yo te gen tout sòt de dye, tout sòt de sen ak tout lòt bagay, li fè yon batèm trinitè epi bay pwotestan yo manje li. Epi yo kontinye vale li.

271 Men Limyè aswè yo rive kounye a. Pwofèt la te di: "Pral gen Limyè nan tan aswè."

Pral—pral gen Limyè nan tan aswè a,

Chemen Laglwa ou pral jwenn sètènman;

Nan chemen dlo a, se Limyè jodi a,

Antere nan Non presye de Jezi.

Jèn kou granmoun, repanti de tout peche ou yo,

Sentespri a pral antre ladan I sètènman;

Limyè aswè yo rive,

Li se yon reyalite ke Bondye ak Kris la se youn.

272 Ou kwè Li? Pyè te di, nan jou Pannkòt la, "Fè sa konnen, a nou menm, moun pèp Izrayèl yo, ke Bondye te fè menm Jezi sa a, Ke nou te kloure sou kwa a, alafwa Seyè epi Kris la. 16yèm vèsè nan 2yèm chapit la. Wi. "Bondye fè menm Jezi sa a, ke nou te kloure sou kwa a, alafwa Seyè epi Kris la. Ke tout moun pèp Izrayèl yo konnen, asireman."

273 Sa pa gen lontan, mwen te pale ak yon jwif ki te nan linye David la. li te di, "Nou menm moun lòt nasyon yo pa ka koupe Bondye an twa pati epi bay yon jwif li. Nou konnen mye ke sa."

274 Mwen te di: "Se jis sa, Rabi. Nou pa koupe Bondye an twa pati." Mwen te di: "Ou kwè nan pwofèt yo?"

Li te di, "Sètènman."

Mwen te di: "Èske ou kwè Ezayi 9:6?"

Li te di: "Wi."

Mwen te di: De Kiyès pwofèt la t ap pale?

"Mesi a."

Mwen te di: "Ki relasyon Mesi a pral genyen avèk Bondye?"

Li te di, "Li pral Bondye."

Mwen te di, "Se vre." Amèn.

Ou wè, apali papa. Ou wè, ou pa ka koupe Li an twa pati.

275 Si nou menm misyonè isit la... Youn nan yo pral isit la kote Jwif yo, mwen kwè, nonm sa a ki chita *isit la*. Pa janm eseeye bay yon Juif yon "Pè, Fis ak Sentespri". Li pral di w byen rapid, li konnen ki kote li soti, "Konsil Nise a." Li pa p koute sa. Men kite ou montre l kote Bondye te vin nan lachè, e Li se sèl Bondye ki genyen. Bondye, manifeste nan lache nan fòm imen epi viv nan mitan nou, pou sanktifye nou; retire, ke Limenm ta ka vini sou fòm Sentespri a. Bondye, le Pè, Sentespri, se menm Moun.

276 Bib la te di nan—nan jeneyaloji Jezikri, nan premye chapit Matye a, Li te di, "Abraham te anjandre Izarak. Izarak te anjandre Jakòb." Epi kontinye, te di, answit nan... Kite mwen li l, bon kounye a ou pral konnen jis de sa m ap pale a. Matye, premye chapit la. Epi nou pral... Bon ann kòmanse nan vèsè 18tyèm la.

Kounye a nesans Jezikri te sou maj sa: Lè... manman Li mari te fiyanse ak Jozèf, anvan yo te viv ansanm, yo te jwenn li ak piti de...

277 "Bondye le Pè"? Èske se konsa sa li? [Kongregasyon di: "Non." — Editè a] Yo te jwenn ak pitit Kiyès? ["Sentespri a."] La... [Espas vid sou kasèt la.] Mwen te panse Bondye Le pè a se te Papa Li? Alò, Bondye, le Pè ak Sentespri a, se menm Lespri a, sinon Li te gen de Papa.

Alò Jozèf mari li a, etan yon nonm jis, ... pa t vle fè de li yon egzanp biblik, te fè refleksyon... repidyé li an sekrè.

Men pandan li t ap reflechi sou bagay sa yo, vwasí, zanj Senyè a te parèt devan l nan yon rèv, li di: Jozèf, ou menm Pitit David, pa pè... pran Mari kòm madanm ou, paske sa ki konsi nan zantray li a se de...

- 278 “Bondye Papa a”? Huh? [Asanble a di: “Non. ‘Sentespri a.’”—Ed.] “Sentespri a.” Alò Kiyès ki te Papa Jezikri? [“Sentespri a.”] Sentespri a. Kisa ki nan ou? [“Sentespri a.”] Ebyen, se Bondye tou, Papa a. Pa vre? Sètènman.

Li pral fè yon pítit gason, epi wa rele L JEZI:...

- 279 Men Bondye Papa a, men Bondye Sentespri a, epi men Bondye Fis la, wè, sa se twa Bondye. Bib la pa di sa. De sa yo dwe menm, sinon Li te gen de papa. Wè? Li pa ka gen de papa. Nou konn sa.

Bon, *li pral fè yon pítit gason, epi yap rele L JEZI: se Li menm ki pral delivre pèp Li a anba peche l yo.*

Tou sa pase konsa pou pawòl Bondye te mete nan bouch pwofèt la te ka rive vre. Men sa L te di: ... jenn fi a pral ansent, li pral fè yon pítit gason, epi yap rele L Emannwèl, ki vle di, Bondye avèk nou.

- 280 Sa se Matye chapit 1.
- 281 Matye 28:19, kote Jezi di: “Ale, batize nan Non Papa a, Fis epi Sentespri.” Kisa ki Non Papa a, Fis, Sentespri? Jezikri, evidamman.
- 282 W ap li yon istwa lanmou, li di: “Jan ak Mari te viv byen apresa.” Kiyès ki Jan ak Mari? Retounen nan kòmansman istwa a pou dekovri.
- 283 Si pa gen anyen konsa, okenn non, “Papa, Fis, ou Sentespri,” alò Kiyès, Non Kiyès sa ye? Retounen, nan kòmansman istwa a, epi wè de Kiyès Li t ap pale.
- 284 Pyè, Jou Pannkòt la, li te di: “Repanti, nou tout, epi batize nan Non ‘Jezikri’ pou remisyon peche yo.” Li te gen revelasyon an.
Jan te gen revelasyon an.
- 285 Jezi te Revelasyon an, Li te prezante tèt Li la a menm nan Ekriti a: “Sa M ye a, se sa M te ye, se sa M ye, e se sa M ap ye., Tou Pwisan an.” Whew! Trè byen.
- 286 Kounye a, annou pran vèsè 7 la vit kounye a, anvan nou soti, osi vit ke nou kapab. Tou Pwisan an.

...pwis-...glwa e pwisans pou tout tan ak pou tout tan. Amèn.

Epi...fè nou wa epi sakrifikatè pou Bondye...Papa Li; glwa e pwisans pou li pou tout tan ak pou tout tan. Amèn.

287 Nou wè revelasyon sa a la a , kijan Li revele? Kijan Bondye... Lèzòm grata tèt yo epi rache cheve yo, epi bagay, ap eseeye chache sa “Papa, Fis, Sentespri” ye, mete twa nan youn.

Pa rache cheve nou epi grata tèt nou. Jis gade anlè. Revelasyon an vin de Anlè. E se vre. L ap revele ke se pa “Papa, Fis, epi Sentespri.” Se twa fonksyon ke yon sèl Bondye viv ladann.

288 Li te nan fonksyon an, “Lespri”, poukонт Li, paske èt imen an kondesandan, alò Li fè yon kò pou tèt Li, Li viv ladann, pou pwodwi Pwòp San Li; pa atravè sèks, jan I te ye nan jaden Edenn lan, mè pou pwodwi yon kò ke L kreye. Epi atravè kò vyèj sa a, Li bay on San ki sanktifye nou epi ki libere nou de enkredilite nou pou kwè nan Li. Answit, nou fè sa, nou resevwa L nan kè nou, sa se Bondye nan nou: Papa, Fis, epi Sentespri. Wè? Tou kòm Pwofèt, Sakrifikatè, epi Wa, sa se menm bagay la. Trè byen.

289 Kounye a, vèsè 7 la, sa se anons lan. Anons lan se:

Gade, li vini sou tèt nwaj yo; epi tout je pral wè l,... menm moun ki te pèse l yo: epi tout pèp sou latè pral kriye lè y a wè li.

290 Oh! Konbyen tan nou genyen? Sa a bèl la a. Èske nou ka ban mwen on lòt tran-... ven minit? [Asamble a di : “Wi.”—Ed.] Vrèman? [“Amèn.”] Trè byen. Alò, bon, demen... Aswè a, nou pral eseeye pran fen *Vizyon Patmòs La*, aswè a. Jodi a, nou pral fini sou anons lan.

291 Oh! Nou santi nou byen? [Asamble a di: “Amèn.”—Ed.] Nou renmen vye Bib sa a? [“Amèn.”] Se Revelasyon an. Kisa, kisa l ye? Bondye desann, nan Liv sa a, epi Li retire vwal la epi Li di: “Men Li: Pwofèt, Sakrifikatè, Wa; Papa, Fis, Sentespri; Sa ki te ye, sa ki ye, e sa K ap vini. Tout bagay sa yo, se Bondye.”

292 Kounye a, annou retire vwal la, jis pou kèk minit kounye a, avèk èd Seyè a, annou retire vwal la nan je nou. Epi pran...

Gade, li vini sou tèt nwaj yo;...

293 Kounye a, kijan L vini? “sou tèt nwaj yo.” Ki kalite nwaj? Nwaj de glwa. Pa youn nan tèt loraj sa yo, nwaj lapli, men nwaj de glwa.

294 Nou pral wè ki kalite nwaj ki te vlope L lè Pyè ak lòt yo te gon vizyon de Li sou montay Transfigirasyon an; on nwaj te vlope L. Rad Li yo te briye. Li te vlope nan on nwaj, pwisans Bondye a.

295 Oh, n ap vin sou sa, la a nan aj legliz sa yo. Mwen di nou, sa jis-jis rejwi m andedan mwen, pou panse a sa. Sa Vini Li... Mwen wè jou sa a ke n ap viv, nou pa anyen, pa gen espwa ki rete sòf Vini Li.

296 Kounye a nou pral pran sa rapid. Kounye a sonje.

...tout je pral wè li,...

- 297 Kounye a, sa se pat Anlèvman an alò, pa vre? [Asanble a di: "Non."—Ed.] Wè? Se pat Anlèvman an. Se pat Anlèvman an. De kisa Li t ap pale? Dezyèm Vini a.

...menm moun ki te pèse / yo: epi tout pèp sou latè pral kriye lè y a wè li.

- 298 Kounye a nou pral tounen dèyè epi nou pral pran kèk istwa. Annou tounen a Zakari, epi pran chapit 12 la nan Zakari. Zakari, trè byen.

- 299 "Epi Seyè a te ajoute chak jou nan legliz la, moun ki dwe sove." Konbyen nou rekonesan pou bon revelasyon Jezikri a! Èske nou pa kontan genyen Li? Kounye a, nou pral mete sa sou fòm on liv osi vit ke posib, pou moun yo, e alò nou ka genyen I, pou li I nan frankilite chanm nou epi bagay, epi etidye I, nou menm. Trè byen.

- 300 Zakari, Zakari a, chapit 12 la kounye a nan Zakari. Epi nou vle, pran sa seryezman nan lapriyè. Epi mwen vle pran sa pou glwa Bondye. Kounye a, Zakari 12, annou kòmanse a vèsè 9. Tande byen kounye a. Lap pale de Vini a. Zakari 12, epi nou pral kòmanse a 9, vèsè 9 la.

Lè sa a...

- Zakari, ap pwofetize, katsan-katreven-sètan anvan vini Kris la.

Lè sa a, M ap detwi tout... nasyon ki va konprann pou yo atake lavil Jerizalèm. (Panse a sa.)

- M ap repann sou kay David la, epi sou abitan Jerizalèm yo, lespri de gras epi de siplikasyon: epi y a leve je yo gade m, y a wè moun yo te pèse a,...*

- 301 Kounye a, ki lè Levanjil la ap retounen jwenn Jwif yo? Lè jou dè nasyon yo fini, Levanjil la pare pou L al wè Jwif yo. Oh, m te ka, si sèlman m te ka predi nou yon bagay ki pral pase isit la menm, wè, jou jodi a menm. Nou wè? Sa prêt pou rive. Nou genyen I nan Laj Legliz la. Epi gwo bagay sa a ki prêt pou rive pral kontinye nan Apokalips 11 epi pral pouswiv avèk de pwofèt sa yo, Eli ak Moyiz k ap retounen pou Jwif yo. Nou pare pou sa. Tout bagay an plas, jis pare. Mesaj sa a dè Nasyon, menm jan Jwif yo pote I bay Nasyon yo, Nasyon yo pral mennen L tounen bay Jwif yo dirèkteman. Epi Anlèvman ap fèt.

- 302 Kounye a sonje, sa k ap fèt isit la a, aprè Tribilasyon an... Legliz p ap pase pa Tribilasyon. Nou konn sa. Bib la di I. Wè? Trè byen.

- 303 Bon, Li pral repann la a sou kay Izrayèl la, (kisa?) menm Sentespri a, wè, aprè ke Legliz dè Nasyon an ale.

...Y a leve je yo gade m, moun yo te pèse a. Y a nan gwo lapenn pou li tankou moun ki pèdi sèl pitit li te genyen an. Y a pete rele tankou moun ki pèdi premye pitit gason yo.

Epi lè sa a, rèl ap... pete lavil Jerizalèm,... epi ...nan-nan plenn Megidon an.

Epi-epi nan peyi a, chak fanmi va mete tèt yo ansanm pou yo rele pou kont yo, fanmi kay David la separeman, epi... fanmi kay Natan separeman, epi chak kay separeman; (lè yo pral wè, sak pral rive, sa ki pral pwodwi lè L ap vini sou tèt nwaj glwa yo, nan dezyèm aparisyon Li.)

- 304 Epi lè Jwif sa yo ki te pèse Li...Nou konnen, on lòt Ekriti di yo pral mande L, ki kote Li pran mak sa yo.

L ap di: "Nan kay zanmi Mwen."

- 305 E non sèlman l ap on tan de dèy pou Jwif yo ki te rejte L, antan ke Mesi, men l ap on tan de dèy pou moun Nasyon yo ki isit la, ki te aksepte... ki te rejte L antan ke Mesi yo jodi a. Y ap kriye epi kriye. Vyèk k ap dòmi a ap kriye. Se legliz sa a ki te refize resevwa Lwil nan lanp li. Te gen dis vyèk ki te soti, tout bon moun, men senk nan yo te gen Lwil nan lanp yo. Lòt senk yo te bon moun, bon moun, men yo pat reyisi resevwa Lwil nan lanp yo. "Epi yo te voye yo jete deyò nan tenèb, kote ap gen rèl, kriye, epi moun va manje dan yo."

- 306 Men li: "Ap gen kriye." Bib la di isit: "y ap kriye, e kè yo ap tèlman brize ke menm..."

- 307 Men, m ap ban nou yon lòt, Jenèz 45, si nou vle pran l. Ann al ladann on moman epi annou li sa tou nan Jenèz, mwen kwè, Jenèz chapit 45. M ta renmen pran sa isit la, Jozèf k ap fè tèt konnen bay-bay fanmi l. Epi n ap pran l, jis montre tip yo-yo de sa ki pral rive nan jou sa a, apresa n ap relye l ansanm.

Jozèf pa t kapab kenbe ankò devan... tout moun ki t ap sèvi l yo; li di byen fò: Fè tout moun soti.

- 308 Kounye a sonje, Jozèf, alò ke l ap fè tèt li konnen, li di byen fò: "Tout moun soti."

pesonn pa t la avèk Jozèf lè li fè frè l yo rekonèt li.

Li te pran kriye byen fò, epi Ejipsyen yo epi lakay Farawon te tande li. (li dwe te rele byen fò.)

Jozèf di frè l yo: Se mwen menm Jozèf; èske papa m vivan toujou? Men frè l yo pa t kapab reponn li; paske yo te boulvèse lè yo wè l devan yo.

Jozèf di frè l yo: Pwoche vin pi pre... mwen. Yo pwoche, li di yo: Se mwen menm Jozèf, frè nou an, ke... nou te-nou te vann bay moun ki tapral peyi Lejip la.

Men koulye a, nou pa bezwen boulvèse. Nou pa bezwen règrèt nou te vann mwen pou yo mennen m isit la. Se Bondye ki te voye m devan pou m te ka sove lavi nou. (Oh, ala bèl!)

Sa fè dezan depi... grangou tonbe sou peyi a: epi... ap gen, p ap gen mwayen travay latè ni fè rekòt.

Bondye te voye m vini devan pou ras nou an pa t fini nan peyi a, pou m te ka sove lavi nou pa yon gwo delivrans.

309 Kite m pran sa kounye a epi konpare I avèk Zakari 12, jis pou yon moman. Kounye a, nou konnen ke, nan tip. Si nou anseye tip yo, alò n ap toujou konprann li byen, m panse, nan-nan tip.

310 Kounye a, Jozèf, lè li te fèt, frè I yo te rayi I. Pa vre? Kounye a m vle montre nou, Jozèf reprezante legliz la ki ranpli ak Lespri. Frè I yo te rayi I. Poukisa? Paske li te espirityèl. Se pat fòt Jozèf si I te gen vizyon. Se pat fòt li si I te gen sonj, wè, epi li te ka entèprete sonj. Li, se sa k te gen nan li. Li pat ka montre lòt bagay ke sa k te gen nan li. Ebyen, alò, frè I yo te rayi I san rezon. Men papa I te renmen I, paske papa I te yon pwofèt.

311 Nou wè kijan sa te ye avèk Jezi? Bondye te renmen Fis Li. Men frè yo, Farizyen yo epi Sadiseyen yo, te rayi L, paske Li te ka geri malad yo, predi bagay yo, epi wè vizyon, entèprete. Wè sa m vle di? "Yo te rayi L, san rezon."

312 E kisa yo fè Jozèf? Yo pretann Ike li te mouri, epi yo jete I nan yon twou. Yo pran on varèz plen san, ki te gen sèt koulè, ke papa I...

313 Gen sèlman sèt koulè nan akansyèl la. Epi akansyèl la, nou konnen ke, n ap vin sou sa on ti jan pi ta, m panse, aswè a. Akansyèl la anlè L isit la, Jezi, kote, "Li te gen aspè yon piè bijou yo rele jasp ak sa yo rele sadwan lan, epi te gen yon akansyèl." Akansyèl la se yon alyans.

314 Epi se te alyans Bondye sou Jozèf. Epi aprè yo te tache varèz li ak san, epi yo retounen I bay papa a. Epi li te sanse mouri. Epi...

315 Men yo fè I soti nan twou a epi yo mete I nan on-on... vann li a Farawon, on moun an Ejip, epi on-on jeneral kenbe li. Epi lè yo fè sa, li, on malè tonbe sou li, epi yo jete I nan prizon. Epi la li te pwofetize, epi li te di de mesye kote youn ta prale epi kote lòt lan ta prale; chèf kanbiz la ak chèf boulanje a, poutèt sonj yo.

316 Apresa li te leve a la dwat Farawon. E pèsonn pat ka manyen Farawon, san pase pa Jozèf. [Espas vid sou bann—Ed.]

317 Kisa sa. Bon... lè yo te vann Jozèf an Ejip. Epi, gade, tout sa I fè, se te yon tip Kris. Gade chèf kanbiz sa a avèk chèf boulanje sa a la a, e toude te gen sonj. Epi Jezi, lè Li te nan prizon Li. Sonje, Jozèf te nan prizon. E lè Jezi te nan prizon Li, (kijan?) tache sou yon kwa, te gen youn ki te sove epi youn ki te pèdi. Jozèf, lè li te nan pizon, youn te sove, youn te pèdi.

318 Epi remake. Alò, aprè yo te retire L sou kwa a, Jezi te leve jiske nan Syèl la, epi Li te chita a dwat gwo Lespri a, Jewova. "Pèsonn pa ka vin jwenn Bondye sòf pa Mwenmenm." Pa gen *M salye w Mari*, pa gen beni sesi ou beni *sela*. Men, atravè Jezikri, "Sèl medyatè a ki genyen ant Bondye epi lèzòm," presye kò sa a

kote Bondye te enstale L, nan mitan nou, ki te pran Non Bondye. Epi Bondye te pran non on imen. Bondye te pran...

319 Gade la a. Nan kòmansman an, lè Adan... Mjis pa ka elwaye m de sa. Sanble yon moun, on kote, pa konprann Sa. Gade. Nan kòmansman an... Kite m montre nou yon bagay ankò. Sentespri a avèti m pou m fè sa. M ap kite sijè m pou yon minit. Lè premye nouvèl la rive nan Laglwa, ke pitit la te pèdi, Adan, èske Bondye te voye yon Anj? Èske L te voye yon pitit? Èske L te voye yon lòt moun? Li vini, Limenm, pou rachte pitit gason L ki te pèdi. Alelouya! Bondye pa konfyé l a pèsonn lòt ke Limenm. Bondye te fèt chè epi Li te abite nan mitan nou, epi Li te rachte lònm, Limenm. Se... "Nou sove," Bib la di, "pa San Bondye." Mòtèl la, Bondye te... Bondye imòtèl la te vin mòtèl, pou retire peche a, pou vin Ayo a, Limenm; pou antre nan Laglwa, vwale, epi avèk Pwòp San Li devan Li, odela vwal la.

320 Bon, Jozèf, men li ki pral an Ejip. Epi la yo soti l nan prizon, li te leve a dwat Farawon, epi yo te fè entandan. Epi tout bagay te pwospere epòk Jozèf.

321 Kounye a, lè Jezi pral retounen, menm dezè a pral fleri tankou yon woz. Li se Fis pwosperite a, on tip Jozèf.

322 Yo mete Jozèf nan... Jeneral la te genyen l nan kay la; tout bagay li te fè, te pwospere. Yo mete l nan prizon, epi tout prizon an te pwospere. Tout sa yo fè, li pwospere. Epi lè li te leve l nan pozisyon siprèm bò kote Farawon, asistan Farawon, tout bagay an Ejip te pwospere plis ke tout kote nan mond lan.

323 Lè L ap retounen, l ap on peyi pwosperite. Ansyen dezè yo pral fleri, epi ap gen manje tout kote. Epi tout moun, ap ka chita anba pwòp figye nou, epi ap griyen dan epi ap rejwi, epi ap viv pou tout tan nan Prezans Li, lè L ap retounen antan ke Wa.

324 Li te Fis de lòm, Pwofèt. Amèn. Li te Fis de Lòm, Sakrifis, Sakrifikatè. Li se Fis de Lòm, antan ke Wa, Fis de David ki chita sou twòn majeste A. Fis de Lòm, Li se... Bondye manifeste antan ke Fis de Lòm. Li desann epi Li vin on moun, pou retire peche mond lan. Li vin on moun, antan ke Pwofèt. Li vin on moun, antan ke Sakrifikatè. Li vin on moun, antan ke Wa; Wa Syèl la, Wa sen yo, Wa Etènèl la; Li te toujou Wa, L ap toujou Wa, Wa Etènèl.

325 Kounye a remake, alò, Jozèf. Anvan Jozèf soti, yo te dwe sonnen twonpèt la, an premye. Epi moun yo t ap rele byen fò: "Flechi jenou devan Jozèf." Kèlkeswa sa yon moun t ap fè, li t ap vann on pwodwi nan lari a, lè twonpèt la sonnen, li te flechi jenou li. On moun te pare pou soti kòb nan pòch li, men li te flechi jenou li, Jozèf t ap vini. Oh! A r... ransè a-a-a te pare pou sepktak li, e kisa l t ap fè? Li te dwe sispann. "Jozèf ap vini." Twonpèt la te sonnen.

326 On jou, tout bagay, menm tan an, pral kanpe. "Lè twonpèt Bondye pral sonnen, epi mò an Kris yo pral resiste, epi maten Etènèl la pral leve, klere epi bèl." Tout bagay pral flechi jenou. "Tout jenou pral flechi, epi tout lang pral konfese Li."

Kòmanse kounye a. "Peche kèk moun ale anvan, gen kèk ki swiv yo."

327 Men kounye a remake sa ki te pase. Ala gran! Lè Jozèf nan moman sa a... aprè ke I te marye on fanm dè Nasyon epi I te resevwa yon fanmi, Efrayim e Manase, pitit gason I yo. Èske nou remake a lafen? Lè Jozèf... Jakòb te kòmanse beni Efrayim e Manase. Lè li te kòmanse poze men I yo, li te plase Efrayim a dwat, Manase a goch, pou bay benediksyon men dwat la a pi gran an. Men I kòmanse priye, men I yo kwaze, epi li bay benediksyon men dwat la a pi jèn lan, olye sa ki te a dwat.

328 Epi Jozèf di: "Pa konsa, Papa." Li di: "Ou plase benediksyon an sou Manase olye de Efrayim."

Epi li di: "Bondye kwaze men m."

329 Kisa? Apati de Jwif yo, pi aje yo, premye yo ke Bondyete chwazi, atravè Kwa a, benediksyon an vini a moun dè Nasyon yo, pou pran Lepouz la. Benediksyon an vini atravè Kwa a, depi Jwif la a moun dè Nasyon yo. Rejte, yo te rejte Kwa a, se poutèt sa Li pran Lepouz dè Nasyon.

330 Bon lè Jozèf, anvan sa, lè li te... lè li te pran nouvèl frè I yo, ki... Yo pat an kominyon depi plizyè ane, Jwif yo.

331 Kounye a gade. N ap tounen sou Zakari kounye a, kote yo t ap kriye, y ap kriye, yap nan dèy. E menm fanmi yo pral separe de lòt fanmi, y ap soti, y ap di: "Kijan nou fè sa? Kijan nou te ka jamn fè sa?" Lè y ap di: "Kote Ou pran sikatris mak sa yo, mak sa yo sou men W?" menm sa yo ki pèse L. "L ap vini sou tèt nwaj yo. E yo pral wè Li, menm sa yo ki pèse L. E chak kay pral an dèy, epi y ap kriye." Yo p ap konn kisa pou fè.

332 Epi lè Jozèf... Nou konn istwa a. Lè li te wè frè I yo, epi li te fè tanko li pat ka pale Ebre, epi li te mande on entèprèt entèprete pou li. Epi li te aji kòm si li pat ka pale Ebre; men li te vle konnen on bagay. E alò, lè finalman, on jou, lè yo te mennen ti frè li, èske nou te remake? Se Benjamen ki te anflame nanm Jozèf?

333 Kisa, jodi a, ki pral anflame nanm Li, Jozèf nou an, Jezi? Jenn legliz sa a ki te lòt bò a, an Iran.ki te kenbe kòmandman Bondye yo. E se yon pèp nouvo ne ki te rasanble Palestine epi ki te retabli. Etwal David sa a ki gen sis pwen, drapo ki pi ansyen nan mond lan, on nasyon te fèt nan dènye ane yo. Men Izrayèl.

Nasyon ap kraze, Izrayèl ap leve,

Siy ke Bib la te predi;

Jou moun lòt Nasyon yo konte, ak laperèz;

"Retounen, O dispèse, vè moun nou yo."

Jou Redanmsyon an pwòch,

Kè lèzòm yo tonbe anba pè; (Jis gade I, yo tout vin malad.)

Ranpli ak Lespri, lanp ou pare e klè,

Gade anlè! Redanmsyon w toupre.

Fo pwofèt ap manti, y ap nye Verite Bondye,

Ke Jezikri se Bondye nou;

(Glwa!) Men Revelasyon an rive.

Alò nou pral mache kote apòt yo te mache.

(Egzakteman nan menm plas yo.)

Paske Jou Redanmsyon an pwòch,

Kè lèzòm tonbe anba pè;

Ranpli ak Lespri, lanp ou pare e klè,

Gade anlè! Redanmsyon w toupre.

334 Oh! Oh, Jozèf, lè li te wè ti Benjamen ki te kanpe la a! Sa se ti frè li. Nou wè ti Benjamen la a...?... lòt bò a, ki kanpe la a? Tribi latè a-a, Jwif yo, yo retounen lòt bò a kote san-karant-kat mil nan yo ap kanpe la a pou resevwa Kris, lè yo pral wè Vini Li. Y ap di: "Men, sa se Bondye nou ke nou t ap tann." Apresa yo pral wè pèse a... "Kote sa yo soti?"

L ap di: "Nan kay zanmi Mwen."

335 E y ap lamante epi y ap kriye. E chak fanmi, tribi David ak Nepthalim yo ak tout, ap separe tèt yo, chak fanmi, epi kriye pou tèt yo lè yo wè L kanpe anlè a, Sila yo te pèse a.

336 Kisa mesaj Li ap ye? Gade kisa Joseph te di. Lè I te di...

337 Gade yon lòt bagay. Lè Joseph te gen timoun yo devan li, li te gade yo, li te wè ti Benjamen. Li te wè Ephraim, li te wè rès yo la a, Gad la ak yo tout. Ak douz tribi yo, dis tribi yo lè sa a, ki kanpe devan li. Li te wè yo tout kanpe la a. Li te konnen yo te frè li. Epi I te gade ti Benjamin, dirèk, göj li kòmanse plen. Te konnen yo te pa li. Kisa I te di? "Ke tout moun soti kite m." Kisa k te rive madanm li ak pitit li yo? Yo te antre nan palè a.

338 Ki kote Legliz Moun lòt Nasyon an prale nan Anlèvman an? Anndan Palè a. Lepouz la, Alelouya, Lepouz la ap anlve sot sou tè a, nan Anlèvman an. Apresa lè Li retounen, Lepouz Li pa la a lè Li fè frè L yo konnen Li, Jwif yo, sila yo ki te pèse Li, sila yo ki te rejte Li.

339 Men madanm li ak byenneme li, zanmi pwòch li yo la a, pwòp konpayon l—I yo ke Bondye te voye ki te la nan tanp lan. E lè I te gade, li te di yo te... Yo pat konnen. Yo te di: "O, gran prens sa a!" Yo kòmanse di, youn lòt, o, sou bagay sa yo de sa yo te fè.

340 Mwen kwè se te Ephraim, oswa pa Ephraim, men mwen blye ki moun li te ye kounye a, ki—ki te di: "Ebyen, nou pat dwe touye frè nou, Joseph." Te di: "Nou wè, n ap peye sa." Reuben, Reuben te di: "Nou pat dwe touye frè nou," te di: "paske, nou wè, n ap peye pou sa n te fè a."

341 E Joseph kanpe la a; yo pat panse li te ka konprann Ebre. Men li te konnen l.

342 Kèk panse, pa ka pale... konprann pale an lang, men Li konn tout bagay sou li. Wi, Li konnen. Wayòm Moun lòt Nasyon an antre ak pale an lang ak entèpretasyon, nan tèt lò a (premye tèt la) anvan I te tonbe. Kisa ki te fini premye dispensasyon Moun lòt Nasyon sa a? Yon ekriti lang enkoni sou miray la, e yon nonm la a te ka entèprete I epi di kisa I te ye. Li soti menm fason a. Amèn. Te antre epi soti menm fason an.

343 Yo te panse li pat ka konprann lang yo ke yo tap pale, men li te konnen l. Yo te di: "Nou wè kisa nou genyen?"

E Joseph lè sa a te wè yo te regrès sa yo te fè a.

344 Kounye a Li wè chagren yo ak regrès yo poutèt yo te rejte Li, kifè L ap toufe nan göj Li kounye a. Li pare pou L retire Legliz Li sot sou tè a, pran Li nan Laglwa. Apresa retounen, epi tout tribi yo sou tè a va lamante.

345 Kisa yo te fè? Reuben, yo tout, kòmanse kriye, yo te di: "O! O!" Yo te pè epi te di: "Se li. Kounye a nou konnen nou anndan poutèt sa. Kounye a l ap touye nou. Bon li...Nou konnen ke nou pral detwi touswit, paske se Joseph ki te lwen nou pandan tèlman lontan. Se Joseph, frè nou, kounye a nou vrèman pran ladan l."

346 Li te di: "Pa fache ak tèt nou. Bondye te fè sa pou prezèvè lavi."

347 Kisa Bondye te fè? Poukisa Jwif yo te rejte Jezi? Konsa noumenm Moun lòt Nasyon yo, konsa, moun yo ke L aple pou soti pou Non Li, Bondye te fè sa pou prezèvè lavi Legliz Moun lòt Nasyon yo, Lepouz.

348 Tout tribi ki te rejte L yo pral lamante. Y ap kache tèt yo nan twou, ak nan wòch, ak bagay, di: "Kache, tonbe sou nou, mòn." Yo te rejte Sa, Li. Tout nasyon ki sou latè va lamante poutèt Li. E chak fanmi nan Izrayèl la a pral separe tèt yo. Fanmi ap separe, you ak lòt, epi ap di: "Poukisa nou te fè sa? Kijan nou te rive rejte

Li? Kijan? Men L kanpe la a. Men Bondye Ke nou tap tann lan. E men Li, ak anprent klou nan men Li, e nou te fè sa."

349 Se egzakteman sa frè sa yo te di dwat anba la a, lè yo tounen epi te di: "Men Joseph, ke nou te vann lan."

Li te di: "Mwen se Joseph, frè nou, ke nou te vann nan Lejip."

350 "O!" Yo te pè. E yo tap lamante epi ap jemi, epi kouri al jwenn youn lòt: "Kisa nou ka fè?"

351 Li te di: "Pa fache ak tèt nou, paske Bondye te fè tout sa. Bondye te voye m devan."

352 Bondye te kreye tou lèzòm; dèzòm blan, dèzòm nwa, dèzòm mawon, dèzòm jòn, chak nonm. Bondye te kreye chak nonm. Li te kreye Moun lòt Nasyon an, te kreye Jwif la. Li te kreye tout. Tout se pou glwa Li. E Jwif yo te dwe rejte pou pran yon Lepouz Moun lòt Nasyon.

353 Se pou rezon sa a tout tip sa yo ye. Konsa Lepouz Moun lòt Nasyon an ak desandan L yo avè Li, Legliz pannkotis glorye sa a ki lave nan San Ayo an, ak tout pwisans rezirèksyon kap viv nan yo a, ap leve yon jou nan Anlèvman an (nan yon moman, nan yon ti bat je) pou al nan Prezans Jezi, pandan Li retounen (epi voye tout bagay ale) pou fè frè L yo konnen Li.

354 Gade kisa Lekriti di isi a, nan femmen. O!

Gade. Men Kris la ap vini sou tèt nwaj yo! Tout moun pral wè l', (kounye a l ap pale sou dezyèm Vini an, pa Anlèvman an), menm moun ki te pèse l' yo...

355 Chapit 7, 1mye vèsè a...Oswa, vèsè 7 nan 1mye chapit la.

...Tout moun pral wè l', menm moun ki te pèse l' yo. Tout pèp sou latè pral kriye lè y'a wè li. Wi, se konsa sa pral pase. Amèn.

356 Apresa Li bay gran sitasyon sa a. Kimoun Sa ye? Kimoun Sa ye ke yo dwe al chache a?

Mwen se Alfa ak Omega, Mwen se A ak Z, (A ak Z Grèk la, alfabè Grèk)...

357 Ak 2:36, la...Pyè te di: "Pa gen yon lòt non ki bay anba Syèl la kote lèzòm dwe sove pa li." Oswa non, mwen mande nou padon; mal site li. Li te di: "Se pou tout kay Izrayèl la konnen sètènman, ke Bondye te fè menm Jezi sa a, ke nou te klouwe sou lakwa an, alafwa Seyè ak Kris."

358 Jan 14:7 ak 12, Toma te di: "Seyè, montre nou Papa an, e l ap satisfè nou."

359 Te di: "Mwen te avè nou tèlman lontan, epi w pa konnen mwen?" Te di: "Sila a ki te wè Mwen te wè Papa a. Poukisa w di: 'Montre m Papa an'? Mwen ak Papa Mwen se Yon Sèl."

360 Mwen te di yon moun sa yon fwa. Dam la te di: "Jis yon minit, Mesye Branham." Te di: "Oumenm ak madanm ou se yon sèl, tou."

Mwen te di: "Men pa kalite sa a."

Li te di: "Padon souple."

Mwen te di: "Èske w wè mwen?"

Li te di: "Mwen wè w."

Mwen di: "Ou wè madanm mwen?"

Li di: "Non."

361 Mwen di: "Alò, Yo se yon kalite diferan. Li te di: 'Lè w te wè Mwen, ou te wè Papa an.'" Kifè sa te ase pou sa.

362 Kifè nan Sen Jan, oswa En Jan 5:7 rive 8, nou tout k ap ekri li. En Jan 5:7 rive 8, Bib lan te di. Moun kap pale a, nonm lan menm ki te ekri Apokalips sa ke Jezi ba li a, li te di: "Gen twa ki temwen nan Syèl la: Papa a, Pawòl la (Pawòl la se Pitit la)...Papa a, Pawòl la, ak Sentespri an, e twa sa yo se yon sèl. Gen twa ki temwen sou latè: dlo, San, ak Lespri, e yo dakò; pa yo se yon sèl, men yo dakò nan youn."

363 Nou pa ka gen Papa a san n pa gen Pitit la. Nou pa ka gen Papa a oswa Pitit la san n pa gen Sentespri a. Egzak. Men nou...E dlo, San, ak Lespri, se eleman sa pran pou antre nan Kò Li.

364 Lè yon nesans natirèl fèt, kisa k premye bagay ki rive lè yon fanm fè yon bebe? Premye bagay, se dlo. Dezyèm bagay, se san. Se vre? Pwochen bagay, se espri. Bebe an pran souf li, kòmanse ap respire. Dlo, san, ak espri, ki fè nesans natirèl la.

365 Epitou, Nesans espirityèl la. Batèm dlo nan Non Jezikri; jistifikasyon pa lafwa, nan kwè nan Seyè Jezikri. Dlo! Kisa ki vin apre? San; sanktifikasyon, netwaye, fè l soti.

366 Men ki kote noumenm moun Nazareyen nou te echwe; nou te jis ale lwen konsa epi n pa tal pi lwen. Vaz ki te sanktifye sou lotèl la, pare pou sèvis, men pa an sèvis. "Se pou sila yo beni," beyatitud, "ki grangou epi swaf pou jistis, paske yo va ranpli." Vaz lan sanktifye. Se vre.

367 Se tankou vyèj la. Mo vyèj la vle di "pi, sen, san melanj, sanktifye." Senk te gen lwil, e senk pat genyen; senk te ranpli, e lòt la te jis rete nan sanktifikasyon. "Èske nou te resewva Sentespri an *dèpi* nou te kwè," noumenm Batis, Presibiteryen?

"Nou pa konn si gen yon Sentespri."

"Alò, kijan nou te batize?" En-en.

368 Apre li te poze men l sou yo, yo te lè sa a, apre yo te sove epi te sanktifye, yo te ranpli ak Sentespri a. Egzak.

369 Dlo, San, Espri! Jezi vini pou lave epi pou netwaye, epi pou sanktifye yon Legliz, konsa Li te ka vini epi viv ladann. Ak Pwòp San Li; Li te bay Pwòp San L ki te fèt nan Bondye, konsa Li te ka netwaye nou anba nesans seksyèl nou, epi ban nou yon vaz santifye, sen ke Li te ka vin ladann Limenm.

370 "On ti moman, e mond lan pap wè M ankò; poutan nou va wè Mwen paske Mwen," pwonon pèsonèl, "va avè nou, menm nan nou, jouk nan fen konsomasyon an." Amèn. "Sou tout wout la nètale, M ap avè nou epi nan nou. Zèv ke M fè yo nou va fè yo tou. Siy sa yo va swiv sila yo ki kwè." Bondye nan Legliz la! O la la! Divinite! "Gen twa ki temwen nan Syèl la: Papa, Pawòl (Pitit), Sentespri. Yo se Yon Sèl."

371 Kounye a, nou ka sove san n pa sanktifye. Nou ka sanktifye epi pa gen Sentespri a; egzak, lespri sanktifye, san n pa ranpli. Santifye kè nou, netwaye kè nou, san n pa ranpli l ak yon bagay. Se sa L te di: "Lè lespri enpi a soti nan lòm, li mache nan kote ki arid. Tounen, jwenn kay li fètèfouni, epi antre. Dènye eta moun sa a pi mal anpil fwa, sèt fwa pase l te ye nan premye a.

372 Se sa k te rive noumenm Pèlren Sentete, Nazareyen, e latriye. Nou te asepte. E lè Sentespri an vini, kòmanse pale nan lang, epi bay siy ak mèvèy, nou te rele sa "dyab la" epi te blasphème zèv Bondye yo, te rele li "yon bagay enpi." E nou wè ki kote legliz nou tale? Sot nan li! Lè an isi a, Revelasyon Jezikri a ap anseye, Bondye ki revele nan pwisans demonstrasyon L yo de Sentespri an. Amèn. Jou redanmsyon an toupre.

373 Kounye a, Divinite nan Li, En Timote 3:16.

...Tout moun fèt pou rekonèt jan sekrè reliyon nou an se yon gwo zafè. Paske Li te parèt tankou yon moun...Epi tout zanj yo te wè l' tou...Se nan li moun toupatou mete konfyans yo. Apre sa, yo resevwa l' nan syèl la.

- 374 O, jis kontinye epi kontinye epi kontinye. Men ki kote nou ye kounye a? Nan fen vèsè 8 la.
- 375 Aswè a nou kòmanse vèsè 9 la—la, *Vizyon Patmòs Lan*. O, gen gran bagay ki rezève pou nou. Èske nou renmen Li? [Asanble di: "Amèn."—Editè a.]

Mwen renmen Li, mwen renmen Li

Paske Li te renmen m an premye

E te achte sali mwen

Sou bwa Kalvè a.

- 376 Nou vrèman fè sa? Èske Bondye te fè nou konnen Li, te revele ke Li se Pitit Bondye a, Jezikri, Bondye ki manifeste nan lachè, pou retire peche? L ap revele Tèt Li nan dènye jou sa yo nan legliz Li yo, ap fè yo konnen Li.

- 377 Bon, bagay sa yo menm kap pase nan Legliz la, gade pou wè, nan fen Mesaj sa a, ke si Bib la pa di bagay sa yo dwe rive, jis egzakteman. Wè si yo pat fèt egzakteman, nan Aj Efezyen an, ak Pègam la, Tiyati, kontinye desann, chak aj.

- 378 Te di kijan Luther tap fè, ak kijan Wesley tap fè. Ak kijan denominasyon Pannkotis sa a a prale nan yon kondisyon Lawodiseyen, tyèd, men, nan mitan sa, Li tap rale moun yo. Se vre. Se egzakteman sa. Nou nan fen an. O, mwen tèlman kontan! E, o, antan m ap wè tèt mwen kap elwaye, epi gade zanmi m yo ak bagay, e wè mond lan ak—ak gagòt ke l ladann la, epi panse ke Vini Seyè a tèlman ap pwoche. Nou nan fen aj lan.

- 379 Kè lèzòm ap defayi nan perèz. Toupatou, tout moun, se alaman sou radyo a, tout tan: "Pare pou yon atak ayeryen. Pran sesi, pran sela, epi desann nan sousòl la." Kijan nou pral kache pou sa? Pa ka kache pou sa. Ebyen, bagay sa a prale san senkant pye nan tè a, pou desan karant kilomèt, kare. Enben, frap li a tap...Si I frape isi a, li tap souke Indianapolis jouk atè. Enben, li tap jis eksplode Indianapolis an myèt moso, frape isi a menm nan Louisville, ou wè, youn nan sa yo. Difisil pou di kisa yo genyen apa de sa.

380 E, gade, nou pa gen pou n fè l. Nou konnen, Risi pa gen pou l fè sa. Cuba ka fè sa. Nenpòt ti bout plas, yon—yon ti bout plas gwosè Alcatraz laba a, te ka fè l, kouvri tout mond lan. Sèl bagay nou dwe fè se jis alien li epi rale yon fisèl. Ou pa bezwen okenn lame. Ou jis bezwen yon fanatic pou fè l, nan men dyab la. Se egzakteman vre. Li tap fè l, epi tout bagay la fini. Tout fini lè sa a.

381 Men, o, kite m ban nou bagay beni sa a. Lè nou wè sa pre konsa, lè nou wè ke l te ka rive anvan maten. Sonje, Legliz la al lakay anvan sa te rive. Anlèvman an pase anvan.

382 Kounye a, konsa nou te ka pa mele, sonje, Jezi te di: "Jan sa te ye nan jou Noye yo, jan sa te ye nan jou Lòt." Sonje, anvan okenn lapli te tonbe, Noye te nan lach la. Ou wè? Noye te nan lach la. Li te transpòte, atravè sa. E kounye a, Noye te yon tip de Jwif yo. Men Enòk t al lakay san l pa mouri. E lè Noye te wè Enòk ale, li te konnen se te tan an, kòmanse sou lach sa a. Se vre. Se te siy Noye, lè Enòk tal lakay. E osito Legliz Moun lòt Nasyon an anlve, alò Li fè Izrayèl konnen Li. Ou wè? Se vre.

383 Sonje, nan jou Lòt, jan Jezi te di, anvan yon tak dife te janm frape latè, Anj sa a te di: "Fè vit. Prese. Sot isi a, paske Mwen pa ka fè anyen toutotan ou pa vin la a." Anvan okenn dife te frape, Lòt ak fanmi li te soti epi tale. Kifè, Anlèvman an ap vini anvan Tribilasyon an tabli.

384 Tribilasyon an, anpil moun melanje yo. N ap mete l dwat, semèn sa a, si Seyè a vle, pa èd Seyè a. Sonje, n ap chache yon gran Peryòd Tribilasyon, se te, si n ap tipifye sa nan Bib lan, se te jou Pwooblèm Jakòb yo, nou wè, lè l te twouble. Sa pat gen anyen pou wè ak Moun lòt Nasyon yo. Moun lòt Nasyon pa gen anyen pou wè avè l. Nanpwen tip nan Bib lan pou sa. Legliz Moun lot Nasyon an Anlve.

385 E n ap chache "dlo an pou fè tounen san," ak bagay kon sa. Sa vini sou Izrayèl ankò, anvan laba a ak Moyiz ak Eli, lè yo retounen. Eli, pou katriyèm fwa, retounen nan lespri. Okenn nan sila yo pat mouri.

386 Oswa, la...Moyiz te mouri; yo pat konnen ki kote yo te antere li. Li te oblige leve yon kote ant lè sa a ak la a, paske, sou Mòn Transfigirasyon, men l te la a, ap pale ak Jezi. Pa vre? [Asanble di: "Amèn."—Editè a.] Ou wè?

387 Kifè y ap tounen e y ap touye yo, e lonje nan lari espirityèl la ki rele "Sodòm," kote yo te klouwe Seyè nou an sou lakwa, Jerizalèm. Y ap preche bay Jwif yo, epi frape latè, epi fenmen syèl yo, e latriye kon sa. E fen ministè Moun lòt Nasyon an ap kontinye epi konekte ak sa, e Moun lòt Nasyon yo a pral lakay, e ministè sa a ap kontinye. Pral gen kondanasyon tout bagay. De tyè latè te tonbe, ak tout lòt bagay. Lè kò mouri sa yo te lonje nan lari yo, twa jou, gade ki kalite sa te ye.

388 Gade foto sa yo mwen te pran sot anba a nan Amerik di Sid, lè yo te touye misyonè Pannkotis sa a la a, madanm li, ki lonje nan lari a, ak limenm ak de timoun piti. Ti pitit fi, ak ti vant li gonfle kon sa. Yo pa tap menm antere yo. Te mache la a, krache la a sou yo kon sa, pandan twa oswa kat jou. Frè Kopp te pran foto an. Mwen genyen yo lakay, ou wè, fason yo fè a.

389 Apresa yo te voye kado, youn bay lòt. Gade kijan sa tipifye nan Bib la, nou wè ki legliz ki pral fè sa. Se vre, jis sou lamen, epi ap deplase antre dwat tankou yon sèpan kounye a menm, jis rize jan I ka ye, siy bagay yo kounye a menm.

390 Gade pwofesi Seyè a ban mwen an 1933, kijan sa tap rive: "Yo tap pèmèt fanm vote. Nan vote, yo tap eli move moun lan." Sèt bagay te bay, e senk nan yo deja rive. Pwochen bagay la se te yon gran fanm, yon legliz, yon pwisans oswa yon bagay, tap pran kontwòl Etazini sa a, pou domine. Apresa m te wè I jis tankou sann, blayi, kote I vin nan fen an. Se te tan lafen an.

391 Sa te di: "Yo tap gen yon machin ki te ka kondwi. Yo pat dwe gen okenn chofè nan li." Yo te jis pèfeksyone li. Sa te di, onz lane...

392 Sentespri an te di m. Men li sou papye. Nou pa ka... Yo pa ka renye li. Men li sou papye, jan Sentespri a te di.

393 Onz lane anvan Liy Maginot an te bati, mwen te di: "Alman yo...Etazini ap jis...Prezidan Roosevelt ap pi koken nan yo tout." E se vre. Se sa I te ye.

394 Pap blese santiman noumenm Demokrat yo, men mwen—m ap di nou. Se pa yon Demokrat oswa Repibliken kounye a. Se de Jezikri, Pitit Bondye a, ke nap pale. Mwen pa ni Demokrat ni Repibliken. Mwen se yon Kretyen. Kifè lè sa a, yo, kèlkeswa sa I te ye a, men nou remake la a.

395 E gad isi a, lòt jou an, si nou vle wè ki gwoup deraye sa ye. Ap pran machin sa yo epi ranje yo, kote, chak fwa nou ta vote pou Mesye Nixon, nou te dwe vote pou lòt kanmarad sa a, an menm tan. Ed-...J. Edgard Hoover te retire machin yo. Konbyen ki tap li sa? Enben, sèten, li toupatou nan tout jounal yo, nouvèl, ak tout lòt bagay. Nou wè ki kote nou ye?

396 Pa gen anyen onèt ankò sof Kris. Amèn. O, ansyen Liv beni sa a! Se Li! Se sèl Sila a ki di nou kimoun nou ye, ki kote nou soti, ak ki kote nou prale (Wi, mesye.), se ansyen Liv beni sa a, o, sa fè m renmen Li. Èske I pa fè mou sa? [Asanble di: "Amèn."—Editè a.]

Lafwa nan Papa a, lafwa nan Pitit la,
Lafwa nan Sentespri a, twa sa yo se Yon Sèl;
Demon ap tranble, e pechè leve;
Lafwa nan Jehovah fè nenpòt bagay tranble.

397 Amèn. Ala yon gran jou ki devan nou, zanmi! “Revelasyon Jezikri a ke Bondye te bay anj Li, epi vini epi te siyife I bay Jan, konsa yo te ka konnen I atravè Aj Legliz yo, bagay ki rezève pou nou a.”

398 Se pou Seyè a beni nou kounye a, antan nou kanpe sou pye nou. E kèlkeswa moun k ap jwe piyano an, ban nou yon ti akò si w vle, *Pran Non Jezikri Avè Nou*.

399 Kounye a koute. Gen, nanopwen dout, gen etranje isi a nan mitan nou nan tabènak la maten an. Mwen vle nou ba yo lanmen. Envite yo, al lakay avè nou, ak kisa ankò. E fè tout moun byenvini. Mwen vle tout moun sèten yo fè sa.

400 E sonje sèvis la ap kòmanse a setè, aswè a. E a setè edmi, m ap pale *Vizyon Sou Patmòs Lan*. Demen swa, si Seyè a vle, m ap pale sou premye aj legliz la, Efèz, de Aj Legliz la.

401 Kounye a nou pral chante *Pran Non Jezi A Avè Nou*, chante pou lage ti tabènak nou an. E se pou tout moun chante kounye a. Trè byen.

Pran Non Jezi a avè nou,
Pitit chagren ak malè;
L ap ban nou lajwa ak konsolasyon,
Pran li tout kote n prale.

Presye Non, O ala dous!

Lespwa latè ak lajwa Syèl la;
Presye Non, presye Non, O ala dous!
Lespwa latè ak lajwa Syèl la.

402 Kounye a anvan nou chante pwochen kouplè a, mwen vle Metodis, Batis, Pannkotis, Katolik, Nazareyen, Pèlren Sentete, a tout jis lonje men nou nan viwonn lan, bay yon moun lanmen devan nou, sou kote nou, dèyè nou, di: "pèlren Kretyen, zanmi, mwen kontan genyen w isi a maten an. Kontan fratènize avè ou, nan otou bagay Bondye yo. Mwen konnen nou te gen yon bon moman. Espere wè w isi a ankò aswè a." Yon bagay kon sa, antan nou bay moun yo lanmen, devan nou, dèyè nou, nan viwonn nou.

Nan Non Jezi ape koube,

Ma wè w aswè a, Frè Neville. Ma wè nou aswè a.

...pye,

Wa dè wa, nan Syèl, nape kouwone L,

Lè vwayaj nou an fini.

O presye Non, O ala dous!

Lespwa latè ak lajwa Syèl la;

Presye Non, O ala dous!

Lespwa latè ak lajwa Syèl la.

Jouk nou rankontre! jouk nou rankontre!

Jouk nou rankontre nan pye Jezi; (jouk nou rankontre,)

Jouk nou rankontre! jouk nou rankontre!

Bondye avè nou jouk nou kontre ankò!

Kounye a antan nou koube tèt nou:

Jouk nou rankontre! jouk nou rankontre!